


中華郵政特准掛號認爲新聞紙類
民國十三年六月十五日再版

章太炎先生主任

新報



第一卷第七期

華國月刊第七期目錄

圖畫

三體石經拓本(五至六)

毛西河山水冊頁(一至二)

季瀛山山水扇面

汪旭初星伯合作山水扇面

通論

改革學制私議

學術

釋彘

六祝齋日記

荀子論解蔽篇論

佛學叢論心性論

周禮政詮

目錄

但 燾

汪榮寶

黃 侃

太 虛

唐大圓

但 燾

擬重刻古醫書目

文苑

文說五則

邱太夫人神誥

惆悵詞自序

詩一首

詩一首

詩一首

詩五首

詩一首

詩二首

詩一首

詞九首

馮一梅

劉師培

章炳麟

金天羽

章炳麟

李詳

孫景賢

唐大圓

黃侃

黃紹蘭

影觀

徐虔復

詞一首

詞一首

詞一首

小說

臨春閣雜劇續

雜著

燕葉紀程續

驢背集續

法學卮言

別錄

國壽錄

餘興

詩牌

目錄

影觀

黃侃

汪東

吳梅村

倭良峯遺稿

退廬

但燾

樸園遺稿

華國月刊 第七期

第六期校勘記

三體石經春秋僖公經





（藏之植但）一之册畫河西毛




（藏之植但）二之册畫河西毛




毛西河畫冊之一(但植之藏)



（藏之植但）二之册畫河西毛



季瀛山山水扇面



汪寄菴星伯合作山水扇面

通


論

黃侃



改革學制私議

但



立國者必崇教化。學校者教化之本原。而人才之所自出也。古者自天子之元子。至於庶人。無不入學。豈其時爲士者。如朱文公所疑。其家各已受田。得自食其食。不仰給於官耶。何其養士之費。闕而不詳也。周衰井田廢。士始患貧。而國家於教士之外。復有養士之責。自漢唐以迄有清。皆教養兼施。凡饗舍廩餼。被服賜賚。獎勵之歲費。皆供於有司。雖在外族入據之代。不能革也。今以窮窶無藉之政府。責以養固不可。然而營業之舉。則必當停廢矣。

余與章太炎先生論學制。先生發憤扼腕曰。政府設學。所以異於私塾者。爲其不以金錢賣口舌也。今者斂民之租稅。以設百官。蒞庶事。民力已竭矣。於俊秀之入學者。復徵其聽讀之費。所謂教育者。安在哉。昔漢順帝更修饗舍。凡所造構二百四十房。千八百五十室。質帝時遊學生三萬餘人。唐太宗置書算博士三百三十員。國學八千餘人。自宋以來。州縣徧設學校。而師生授受之制。終明世未嘗廢。然皆取辦於國家經費。無徵費之令。學校以外。宋明清復有書院。皆發帑置田。以給學費。未嘗令學徒出資也。是故中國二千年以來。教術雖疏。然政府猶知爲義務也。今者政府

設學教士而徵學費。則是設肆於國中。而以市道施於來學之士也。學生爲買主。而官校爲商場。畢業之證。廉價之券也。余曰。今各國學制。高等以下。有免費者。其大學則徵費者多矣。大率免費者。不徵其聽讀費已耳。宿膳之費。皆學生所自備也。聞之東鄰學士曰。國家雖徵民租稅。以設備學校。輸納之人。不盡有子弟入學。入校者。免聽讀之資。而其家未必納稅。令未入校者。代入校者。供億累年學費。於理未允。先生曰。今欲如前代。竭國用以養生徒。吾亦不取也。今當定正額生若干。不取其費。額外則待繳半費全費而後教之。凡入學者。區爲正額。增廣。附學三種。略倣宋學三舍升降之法。月一私試。半歲一公試。政府遣管學官監臨。行黜陟焉。如此。則政府不以營業教育爲務。其半費全費者。本額外增附者也。雖取之。而不爲無名。然增附之制。特以收拾遺才。果無遺才。雖不設亦可矣。余曰。曩者南皮初定學校章程。除初等小學及優級初級師範免費外。令學生貼補學費。以爲匪是。則經費支絀。學校難於遍設。本欲優待。反至阻學一也。學生以費不已。而怠惰曠廢二也。不守規教。視退學爲無關輕重三也。南皮所持之故。至今適得其反。其時以壯年入學。費由己出。故視之猶重。今特以少年入學。費出於父兄。彼固未嘗矜惜也。然以裹糧來學。轉自尊大。于預校政。却持師長罷考罷課。不絕於耳。視庠序如市廛。等師儒於傭保。德行道藝不復

考。詳。季。考。月。書。盡。成。文。具。顏。之。推。所。謂。燠。衣。剃。面。傅。粉。施。朱。顧。人。答。策。假。手。賦。詩。者。兼。而。有。之。此。買。賣。教。育。之。弊。所。當。革。者。一。也。

今人以普及教育爲粉飾文治之具。此特就中學以下言之。若夫大學則不宜冒濫。漢質帝時游學增盛至三萬餘生。然章句漸疏。浮華相尙。至桓帝時。遂有黨錮之禍。馬貴與言。靈帝時在學受業者。爭相告訟。無復廉恥。當時在仕路者。上自公卿。下至孝廉茂才。皆西園諧價。獻修宮錢之人。唐太宗時。太學生八千餘人。迄於中唐。李吉甫已目生員爲遊手之徒。足稱五蠹。宋元豐以後。儒學稱盛。其末流也。太學生甘爲秦檜。賈似道之鷹犬。葉水心謂宣和靖康間所用誤朝之臣。大抵學校之名。士明張居正當國。建議核減生員。童生入學額數。有一州縣僅錄一人者。其後復增加學額。崇禎十六年。殿試策問。有秀孝汚潢池之語。顧亭林謂一爲生員。卽思把持上官。侵噬百姓。聚黨成羣。投牒呼噪。崇禎之末。開門迎賊。縛官投僞者。皆生員。作生員論。主嚴加沙汰。謂少則人重之。而其人亦知自重。爲之師者。不煩於教。而向所爲聚徒合黨以橫行於國中。將不禁而自止。王闖運與趙爾巽論學校之弊。曰。漢儒稱盛。良史譏爲利祿之途。宋學廣開。先儒尤恨科舉之士。儒爲國蠹。有由然也。今當先明廉恥。分別士民。次整儒官。以修專職。前代之言如此。然所惡於諸

生者。非詔。佞權。貴。卽橫暴鄉里。其害中於政治。猶未中於社會也。今京師大學及專門高等各校。每屆學年。招生之布告。遍登於報紙。有如市招士之裏糧挾策。應召而至者。數千人。馳驅官署。請託親故。誼囂舟車。爭訟旅舍。而官公學校之入學考試。政府既不遣吏監臨。又無主試。同考監試。讀卷糊名。錄朱磨勘之法。關說請託。冒替夾帶。百弊叢生。亦有漏洩試題。事前擬於校外。全篇曳白。教員爲之代作者。昔時科舉流弊。擬罪至大辟發遣。今則視之淡。如其入學之初。趨嚮已不端矣。重以名額太廣。各校宿舍。所不能容。聽自賃民居。學舍公寓。觸目皆是。羣居終日。言不及義。女閭劇場。遊館公園。所在見學生之履聲。帽影。自知干犯輿論。則造爲亂倫之辭。自知資用不給。則妄附共產之說。於是歸爲子弟。則悖傲父兄。出爲商賈。則竊盜財幣。其敗壞社會。蓋非昔人所及慮也。然爲其魁者。又非有少正卯。鄧析之才也。入學以後。講義率用外著。盈篇累牘。皆旁行斜上之文。口講手披。盡東塗西抹之語。講者既無所師。承聽者亦無所傳。受外國課本爲無形之空策。畢業論文爲改頭之墨卷。學士博士。循資取得。與待年之歲貢。需次之輪補。何以異焉。以學校而兼襲歲貢。捐班之弊。縱無如前所譏之事。亦必不能爲國家社會用矣。且廩生在學。歲科有試。閒員聽鼓甄別。綦嚴。而今日之學生。可以刼持師長。爭論分數。進退校官。褒貶人物。責人求全。自訟。

不勇。此今日學額太多之弊所當革者二也。

專門之學。貴乎自得。自非好學深思。心知其意者。未易臻其壺奧也。荀子曰。君子博學而日參。損乎己。王充曰。讀詩諷術。雖千篇以上。鸚鵡能言之類也。韓文公曰。師者所以傳道受業解惑也。弟子不必如師。師不必賢於弟子。聞道有先後。術業有專攻。今之教授。開會自舉博士。無著述表見者。但列大學講壇。亦得冒其名。轉販外籍。升堂講授。以漏刻計資。一降講壇。師弟不相面。悠悠若行路。所傳者。外籍之糟粕。無所謂道所受者。耳食之浮詞。無所謂業。學生但尋味講義。甫涉藩籬。已取高第。如操券欲其參考。羣籍日進。月益。居近識遠。處今知古。不可得矣。師既無道可傳。學生亦無業可受。無惑可解。求一能言之外國鸚鵡。不可多得。學生之耳目心思。無所寄。則放僻邪侈。無所不爲。師之所操持者。已不足程。而學生之智識。更不敢望與師齊。此多講論少自修之弊所當革者三也。近有一二學校。亦令學生自閱書籍。有不解則問師。然師既淺陋。其所傳於學子者。仍西土之唾餘。淺陋之課本。雖自修亦無益也。

吾聞德意志學制。其中學有三。一曰古典中學。以擅究古文爲宗旨。希臘拉丁文尙焉。二曰半古典中學。省去希臘文。專肄習拉丁文。輔以外國文。如英法語等是。三曰實科中學。與中夏現制同。蓋中學宗旨。在陶冶品性。變化氣質。希臘拉丁文字。爲彼土文化所自出。律已修身之道。於是乎。

賴日本學士。以彼土中學。僅有修身歷史二目。而無古典爲憾。然日本於其國語之外。尙有漢文。彼本無固有之文化。略得隋唐之緒餘。而不能擇精語。詳固其宜也。南皮訂學堂章程。令中小學注重讀經。謂學失其本。則無學。政失其本。則無政。其本既失。則愛國愛類之心。亦隨之改易。又令各學校不得廢棄中國文辭。以便讀中國文籍。戒襲用外國無謂名詞。以存國文。端士風。當日以爲迂闊。迄今思之。良有至理。夫治法政者。不讀九通。明清會典。奏議。諸史。刑法志。唐明清律。則不知政化律例。創始。因革。及積弊之由來。與夫歷代政治風俗。偏重變法。得失不同之故。治經濟學者。不讀九通。諸史。平準。食貨。國用。錢幣之記載。則不知物價及度量衡。變遷。錢幣得失。賦稅利弊。歷代工稅。用民力。不用民力之別。不讀公私地志。則不知出產之盈虛。賦稅之厚薄。地方之利病。治歷史者。不讀正史。則不能精熟一代之事故。而於古今不能貫穿。不讀通鑑紀事本末。則不能貫通古今之大勢。治文學者。不讀古書。不知文字音韻名義。訓詁及文體之變遷。則不能分別文章之雅俗。治農學者。不讀齊民要術。農書。救荒本草。農桑輯要。農政全書等。則無以爲講農備荒之資。他若孫子兵法。日本陸軍大學。以爲教科。戚繼光之紀效新書。練兵實紀。曾國藩變通以辦團練。雖古昔而不遺。卑近而可採。其他蟲魚鳥獸。草木礦石之屬。或我有而彼闕。或彼存而我亡。

或我早知其功用而彼尙無所發明外學所有者國學皆肇其端特典籍浩如烟海艱於尋討得
專門之士百數十人竭十年二十年之力以整齊而排比之發數千年之寶藏供宇內之探討斯
固有待於後日然卽今現存之書可以披覽者亦不得置之不觀也若廢國學則無人能讀四部
百家之書而中夏之寶藏永闕偶有所得亦不能筆之於書播之遐邇傳之歷葉于是處官則不
知山川郡縣之名明農則不知穀麥草木之號雖有所學與客卿及外國技師何異哉如是則盡
廢漢官漢師而一以外人代之不猶愈乎此重外學輕國學之弊所當革者四也
古者學出於官空言著書馬貴與所譏班固儒林贊自武帝立五經博士置弟子員設科射策勸
以官祿訖於元始百有餘年勸業者浸盛枝葉蕃滋一經說至百餘萬言大師衆至千餘人利祿
之途使然晉人尙空譚于寶晉紀總論極言其弊謂風俗淫僻恥尙失所學者以老莊爲宗而黜
六經譚者以虛薄爲辨而賤名檢晉書儒林傳序云指禮法爲流俗目縱誕以清高顧亭林謂國
亡於上教淪於下羌戎互僭君臣屢易皆林下諸賢之咎朱文公學校私議曰其所以教者不本
於學校之實而所謂藝者又皆無用之空言至其甚弊則所謂空言者又皆怪妄無稽而足敗壞
學者之心今之號爲博士據皋比以聘說辭者稗販外籍撫拾老墨口僉夫之言行正始之在身

無。守。城。之。實。用。而。繳。繞。浮。言。學。非。柱。下。之。史。官。而。詆。訶。禮。法。厭。政。典。之。賅。詳。則。視。同。朝。報。惡。紀。傳。之。浩。瀚。則。目。爲。家。譜。學。子。奉。爲。大。師。書。賈。倚。爲。奇。貨。其。咳。唾。餘。沫。猶。足。沾。溉。四。方。中。夏。數。千。年。聲。明。文。物。積。無。數。賢。智。豪。俊。所。封。殖。而。不。足。者。一。二。妄。庸。教。員。裂。之。而。有。餘。此。重。清。譚。輕。實。學。之。弊。所。當。革。者。五。也。

然。則。欲。革。五。者。之。弊。其。道。奚。由。曰。設。正。額。生。不。取。其。費。入。學。畢。業。考。試。政。府。派。員。監。臨。考。官。同。考。官。由。政。府。於。大。學。中。外。教。員。及。鴻。儒。碩。學。中。簡。充。至。期。扃。試。監。試。讀。卷。糊。名。錄。朱。磨。勘。之。法。一。如。科。場。故。事。取。中。之。額。務。求。精。核。苟。非。其。人。寧。闕。毋。濫。或。全。場。不。中。選。則。率。予。報。罷。其。有。冒。濫。者。教。育。部。得。調。取。覆。試。以。定。去。留。經。史。政。治。法。律。經。濟。中。國。固。有。之。學。以。中。國。爲。主。凡。九。通。廿。四。史。通。鑑。紀。事。本。末。明。清。會。典。及。切。要。書。籍。由。政。府。出。費。刊。行。人。予。一。部。以。資。肄。業。畢。業。繳。回。書。史。浩。瀚。若。者。選。讀。若。者。專。精。悉。稟。於。教。授。而。教。授。之。辟。請。自。宰。輔。以。至。白。衣。不。拘。官。等。畢。業。無。年。限。以。能。畢。課。程。者。爲。限。其。現。有。學。生。俟。考。試。畢。業。后。卽。依。新。制。先。置。豫。科。大。學。教。員。如。辟。請。不。易。得。或。設。特。科。以。徵。求。之。外。學。則。暫。以。外。人。充。選。而。本。國。人。爲。助。教。學。子。不。由。本。國。畢。業。而。挾。資。赴。外。國。大。學。倩。人。作。答。或。抄。襲。中。國。諸。子。學。說。冒。加。己。名。給。取。博。士。名。號。者。但。得。稱。某。國。某。大。學。託。克。託。爾。

不得泛稱博士。以別於本國。學士亦如之。本國學子不由學校而有著述者。得呈著述於大學。由教授公同評定。合格者得予以學士稱號。或博士學位。大學畢業生。內發院部。外發省府縣。觀政自一年至三年。期滿注擬薦任官初級及幕職科員。蓋學成而不使入官。無以慰其期望。則怨讟生。擢用過優。無以練其才識。則驕矜萌。皆非器使之善法也。然后輔之以書院。廣之以特徵。書院以宏教化。特徵以廣登進。庶乎可稱良制。世有哲士。當不河漢余言也。

案學校本中國舊制。特清時校官失職。絕無講授。人遂以學校爲新耳。南皮在時。已爲浮言所嚇。無怪其餘也。然自昔設學。論者早謂學生爲國蠹。無可如何。始以科舉取士。又以科舉無教士之實。於是始興書院。究之方聞之士。經世之才。多於大師。講塾儒人。學會得之。次則猶可於書院得之。而正式學校無與也。今者學校叢弊。業已不可爬梳。如一切廢置。則政府闕教育之責。如因循不改。則學校爲陷人之阱。余意惟有嚴定學額。不取學費。則國用足給。而學子亦不至以買主自大。植之斯論。大端與私意相合。然法立則弊生。人存則政舉。果能見之施行。亦待之其人耳。非今日柄政者所得藉口也。章炳麟記



欽定








四庫全書

大英



釋彝

汪榮寶

古宗廟祿將之器謂之彝。其字從彡。从糸。从米。从升。說文隸之糸部。云糸。綦也。卅持米器中實也。彡聲。此與爵相似。今按彝之从糸。義無所取。許君釋糸爲綦。未喻厥旨。段注以爲綦乃器之形。訛。據周禮疏布巾幘八尊。畫布巾幘六彝。謂彝尊必以布覆之。故从糸也。此亦皮傅之說。遠於事理。器有幘者衆矣。何獨於彝而从糸以象之。余觀鐘鼎彝器。古文彝多作。或省：作。或反書作。初不得其形義之所在。反覆審之。乃悟其字从。象器有刻。雞之形。人象其首。象身尾。象足。从。象柜。黍以持之。此與尊字制作之理全同。古文尊作。从。象器。从。爲水半見。象酒从。象刻山之形。从。與彝同。或省。作。猶彝之省。或書。在右。猶彝之反書也。古人酒醴之器爲類。至繁。無以名之。則取其畫刻。或所象之物之名。以爲名。畫山者謂之尊。畫雞者謂之彝。猶畫雲雷者謂之鬲。畫禾稼者謂之尊。象雀形者謂之爵。並因聲見義。古音尊與山同。彝與雞同也。明堂位云。山罍。夏后氏之尊也。灌尊。夏后

氏以雞夷。明山尊雞彝。為尊彝瑋飾之始。並是中古簡質之作。周監二代。禮器大備。乃有六尊六彝之辨。尊字之从阜。彝字之从雞。皆從其朔。制器造文。事相表裏矣。小篆作彝。乃由古文之象。遞嬗而來。蓋彝形之。絕類古文豕字。作小篆者。務以齊整為工。因遂變之為。豕頭也。其變為。亦有所本。蓋此字中形作。者。書體之常。而或書作。則變而為。又或書作。則變而為。小篆彝之从。即承形而省改之。至易。為米。則以文字代畫象。令字體左右疏密相稱耳。雞者。知時之畜。彝之訓。常訓法。蓋取諸此。向嘗疑六畜之字。多屬象形。雞从佳。奚聲。斯惟異例。依許君說。奚以籀文絜省為聲。明其字當出於史籀作大篆以後。雞字更从奚聲。則是益為晚出。夫以先民日用飲食。狎見之禽。世更三古。不聞依類象形。直須周史增改。古文始有其字。得毋乖於人文之通義。今以古文彝字證之。乃知奚之與絜。實為同物。按夏有車正奚仲。皋陶謨稱。後志以昭受上帝。孟子引書。後我后。是奚字所起甚遠。必非从籀文絜省聲也。古彝字或上形作。董橫書之。即成。形。古象形字。非橫視不能得其形也。稍變作。小篆遂改為。

鷄矣。然則奚即雞之正文。乃象形而非形聲。其从佳。作雞者。猶宅之。或从虫。朋之。或从鳥。俗書增益。取便識別耳。故奚斯。或作雞斯。奚毒。亦爲雞毒。非直聲。近抑實字。同若其訓爲大腹。則鷄字之假借。或獫義之引伸與。





六祝齋日記

鈔

黃侃

季剛以六祝齋日記及感鞠廬日記共八卷見寄。其中多述讀書所得。勝義紛紜。不可枚舉。其稷通釋釋尸鳩兩篇已別鈔專載。見本刊第四期中其餘隨筆所記。有關學術者。即依日記卷次摘出。以餉學人。猶有雜文碎義。當別爲春輯。入雜著中。裂一書爲四五。削足以適履。編者之罪也。編者識

校易大有卦。閱書傳參正至大禹謨。王書不唯強分今古。史公一人之說。忽今之。忽古之。此一蔽也。孔傳雖似王子雍所爲。而經文訓故。必不敢爲大傀異。以啟世之疑。故今日攷此經于古今文。俱無徵。無說者。毋寧即用孔傳。乃不悟此而用後人之說。如月正元日食哉惟時。惠疇皆別采清人之說。豈王肅反不如後世無師之流乎。此二蔽也。又執單文而譏孔傳。以說文引時惟懋哉。而云孔用今文。史記亦非今文。王說殊固。以列女傳一引汝居稷之文。而謂孔作后稷爲誤。并謂史記國語皆淺人所改。以書疏引馬鄭王本禹曰益哉。而謂今作僉曰者爲方輿之誤。并史記詁爲皆曰者。亦謂爲後人據方輿改之。不

知書籍流傳自多歧。互何淺人之不憚煩而屢改古籍邪。此清世校勘家之大失也。王亦同之。三蔽也。若夫校勘不精。其責不在著者。然聖讒之聖。皆書為暨。則不知其果據何本。孔傳釋若予。上下草木鳥獸云。順謂施其政教。以順詰若。不須更牒經文。而王云。順上疑奪文。則不知其何由知奪。要之此種書徒以繁稱博引。嚇儉陋之夫。以榮今虐古。閉樸學之喙。則亦毋庸深贊矣。皮錫瑞所引證據。大略襲陳喬樞。 以上鈔壬戌一月

廿七日日記

閱書訖大禹謨。古文雖偽作。而舞羽格苗。則載籍所共傳。益吾引諸人說。并駁其事。則惑之甚也。無傷。無夷。馮夷。冰夷。皆罔象也。象有濠音。故轉而為無傷。夷有菘音。故轉而為無夷。罔無馮。冰則聲類通也。水之怪曰龍罔象。故或以為河伯。有說馮夷為人姓名。乃不得其解。而肫說之也。或曰馮大也。夷讀為蟪。龜類也。與海若之若讀為左倪不若者同。 廿八日

校易豫卦。校書益稷。至日奏罔功。帝不時敷同。日奏罔功。傳讀不時為句。史記詰之曰。帝即不時。布同善惡。則無功。以帝即不時。布同善惡。釋帝不時敷同。言帝不以

時布同好惡於諸臣。以則無功略釋日奏罔功。日進於無功。即無功明矣。不煩更詰。日奏之義。孫淵如讀敷爲句。讀同日聯之。皆謬。王釋日奏爲日進人而用之。亦失經旨。大氏欲故與僞傳相違耳。在治忽三字。歧異殊多。鄭康成忽作忽。史記作來始。滑。漢志作七始詠。隋志作七始訓。此即承用漢志。則漢志本作訓。索隱引今文作采政忽。鄭以習爲臣。見君所秉。未知据何師說。疑鄭用今文作采政忽。故云。君亦有焉。以出內政。放於五官。蓋謂聽聲而書之於笏。以其政告五官。官五故言也。竊謂孔傳之義不謬。忽當訓亂。故史記作滑來者。采之訛文。楊慎說爲黍之誤。非也。采者在之。通借始者。治之借字。政則與治聲訓兼通。是史記今文古文只用通借。並無異解。漢志作七始詠。隋志作七始訓。書大傳說六律五聲八音七始之義。此乃今文末師据訛文以爲說也。大傳本非伏生自作。采訛爲七者。蓋先訛作黍而後改爲七。忽訛爲訓者。蓋習通作忽。亦通作目。孫云忽當爲目。則非。目字日旁作川。則似咏字之口旁作永。咏正篆從言。復訛爲訓矣。七始起於周時。虞安得有七音哉。大氏他經字異。多由聲轉。惟此經今古文之異。多由字訛。籥籥楷可作箭。足杆。割申勸可作周田觀。腹腎腸可作優賢揚。

則采治芻詛爲七始詠。何足怪爾。 卅一日

皋陶謨。益稷。孔書。予欲觀古人之象。日月星辰。山龍。華蟲。作會。宗彝。藻。火。粉。米。黼。黻。絺。

繡。以五采彰施於五色。作服。汝明。諸家異說。會。今古文皆當作繪。藻。一作環。粉。一作黼。米。一作練。絺。一作章。鄭注大傳引。

文。一作絺。一作希。鄭本。彰。一作章。鄭注大傳引。

大傳說 禮書引大傳虞傳曰。天子衣服。其文華蟲。作績。宗彝。藻。火。山龍。諸侯

作績。宗彝。藻。火。山龍。子男。宗彝。藻。火。山龍。大夫。藻。火。山龍。士。山龍。故書曰。天命

有德。五服。五章哉。山龍。青也。華蟲。黃也。作績。黑也。宗彝。白也。藻。火。赤也。禮書引

傳曰。華蟲。五色之蟲。而以爲黃。藻。水草。蒼色。而以爲赤。玄或疑焉。天子服五。諸侯服四。次國服三。大夫服二。士

服一。

隋書禮儀志。大業元年。虞世基奏。近代故實。依尙書大傳。山龍。純青。華蟲。純黃。

作繪。宗彝。純黑。與前引異。藻。純白。與前引異。火。純赤。與前引異。隋志引鄭玄議已。非之曰。五采相錯。非一色也。

歐陽夏侯說 續漢輿服志。永平二年。初詔有司。采周官禮記尙書皋陶篇。乘

輿服從歐陽說。乘輿備文。日月星辰十二章。公卿以下從大小夏侯氏說。三公諸侯用山龍九章。九卿以下用華蟲七章。皆備五采。乘輿刺繡。公侯九卿以下皆織成。陳留襄邑獻之云。董巴與服志同。惟徐廣車服注云。漢明帝衣畫而裳繡。

史記說 夏紀。余欲觀古人之象。日月星辰。作文繡服色。汝明之。

馬說 會馬作繪。文釋 彝音夷。馬同。文釋 絺馬同。釋文 案馬云上句日月星辰。山

龍華蟲。尊者在上下。句藻火粉米黼黻。尊者在下。黼黻尊於粉米。粉米尊於藻

火。故從上以尊卑差之。士服藻火。大夫加以粉米。并藻火為四章。書疏

鄭說 會鄭作繪。文釋 鄭玄曰。績讀為繪。凡畫者為繪。文選注。績繪當互 鄭云。繪

讀為績。凡畫者為績。書疏 鄭玄讀繪為績。謂畫也。左昭廿五年傳疏 鄭云。宗彝虎也。釋文 鄭

云。宗彝謂宗廟之鬱鬯樽也。故虞夏以上蓋取虎彝。雌彝而已。書疏。又隋書禮儀志。王僧崇引

鄭玄云。雌。嫺屬。昂鼻。鄭云。紛米。白米也。書疏 鄭云。希讀為滌。滌。紕也。書疏。又周禮

長尾。此當是周禮注。 書作希。繡。云。希讀為絺。或作。縠。字之誤也。希讀為縠。或作。縠。字之誤也。 縠。鄭陟里反。刺也。釋文 鄭云。自日月至黼黻

凡十二章。天子以飾祭服。凡畫者為繪。刺者為繡。此繡與繪各有六。衣用繪。裳

用繡。至周而變之。以三辰為旂。旗謂龍為袞。宗彝為毳。案司服鄭注。鷩畫以雉。謂華蟲也。毳畫虎。雉。謂

宗彝也。或損益上下。更其等差。書疏。大宗伯疏引鄭五服五章。注。五服。十二也。九也。七也。五也。三也。鄭曰。性曰

采。施曰色。未用謂之采。已用為之色。作服者。此十二章為五服。天子備有焉。公

自山龍而下。侯伯自華蟲而下。子男自藻火而下。大夫自粉米而下。書疏又月令疏

說文說。序引書曰。余欲觀古人之象。言欲遵修舊文而不穿鑿。糸部云。繪

會五采繡也。虞書曰。山龍華蟲作繪。玉部云。璪。玉飾如水藻之文也。從玉。梟

聲。虞書曰。璪。火繡米。糸部云。縠。衮衣。山龍華蟲。縠畫紛也。從糸。從粉。省。衛宏

說。書釋文。粉米。說文作縠。縠。糸部云。縠。繡文如聚細米也。從糸。米亦聲。

王肅說。日月星辰。舜時即畫旌旗。不在衣。粉米。縠。或繡於裳。或為雜采。亦

不入正數。

孔傳說。欲觀示法象之服制。日月星為三辰。華象草華。梁武帝引孔安國云。華者花也。左昭二十

五年傳杜注。華若草華。案蟲雉也。畫三辰山龍華蟲於衣服旌旗。案畫於衣服。本馬季長為

說。畫旌旗忽同王子雍。會五采也。以五采成此畫焉。此本鄭宗廟彝樽亦以山龍

華蟲為飾。案馬亦不以章數。藻水草有文者。火為火字。考工記曰。火以粉若粟冰。米

若聚米。案此當本馬而與鄭不同。黼為斧形。服為兩已相背。葛之精者曰絺。此

馬同。與許鄭皆違。五色備曰繡。考工記。白與黑謂之繡。青與赤謂天子繡日月而下。諸

侯自龍袞而下。至黼黻。士服藻火。大夫加粉米。此全襲馬說。上得兼下。下不得僭上。

以五采明施於五色。作尊卑之服。汝明制之。

隋書禮儀志。梁武帝曰。古文日月星辰。此以一辰攝三物也。此本孔傳。山龍華蟲。

又以一山攝三物也。袞火粉米。又以服攝三物也。此二釋不知所本。是為九章。今袞

服畫龍。則宜應畫鳳明矣。此以蟲為鳳。傳會有虞氏皇而祭。然皇非衣名。孔安國曰。華者花也。則為

花非疑。若一向畫雉。差降之文。復將安寄。此駭鄭華蟲為雉。○近人皮錫瑞以大傳華蟲黃也為鳳皇。又引說

文及梁武此制以傳會之。

考工記畫績之事火以圓。

鄭司農云為圓形似火也。玄謂形如半圓然在裳。

山以章。

章讀為獐。獐山物也。在衣。濟人

謂獐。水以龍。龍水物。在衣。○疏引馬氏以為獐山獸。畫山者并畫水。鳥獸蛇。所

華蟲也。在衣。蟲之毛鱗有文采者。○疏云所謂虞書云山龍華蟲。彼畫華蟲

次在龍下。此文亦次龍下。故知當華蟲也。言華者象草華。此為孔所誤。言蟲者是有生之總號。言鳥以其有翼。言獸以其有毛。言蛇以其有鱗。以首似驚。亦謂之驚。冕也。故云蟲之毛鱗有文采也。

起治此經至暮。謂當從考工記及鄭說為長。大傳說五章可疑。已如鄭說。若孔之釋

宗彝。則不應攙入服章之內。孔之釋華蟲為二。則顯與攷工記相違。如今文及許以

繪為繡。則經文作繪。絺繡為重複。又與攷工畫績之事不合。考工五采備謂之繡。連

謂先會畫五采以備繡。非謂繪即繡也。小當馬孔以絺為葛。雖同於淮南主術高注。又與

周禮不合。至梁武自我作古。袞服畫鳳而傳之華蟲之蟲。蓋無譏焉。以上鈔二月

一日

校書至禹貢青州。王於冀州言九州八枝已入沅域。以駁孔疏冀州之水不經沅域。

於兗州言九河皆在冀州。以駁孔傳河水分為九道在此州界。祇顧駁人而隔越數

紙即不相照顧如此亦奇事也。



(未完)



荀子論續第五期

太虛

四、解蔽篇論

解蔽者何。解人心之蔽也。蔽之者何。如是心生。即有如是法生。萬法皆心之蔽也。解

之者何。道也。

案佛法有六度。以解六蔽。布施以解貪著。持戒以解淫瀦。忍辱以解暴害。精進以解懈怠。禪定以解散亂。般若以解愚癡。即此六度。曰菩薩道。

道者何。人心以一行萬。以類行雜之通塗也。而能解之者。還在人心。非證乎心。無見

乎性。非見真性。無性則不能以一行萬。非見幻性。有性則不能以類行雜。故曰道者

治之。經理心者。道之工宰也。唯管子亦曰。治也者。心也。安也者。心也。心安是國安也。

心治是國治也。今荀子解蔽一篇。可謂舉之無上。按之無下。保傅人天。而度越人天

矣。嘗試論之。能表示而無表示者。謂之心。所表示而有表示者。謂之法。有表示故有

對待。無表示故無對待。即所觀能。所有可對故有能。即心觀法。心無可表故無法。無

法故無所無能。有能故有心。有法。有心有法。故有差別。有差別故有分類。了取差別

之分齊者。曰想。詮顯差別之分齊者。曰名。名即兼相。憶習想名者。曰念。計量想名者。曰數。

推行想名念數者曰思。集起想名念數者曰緣。簡擇想名念數思緣之同異者曰慧。楷定想名念數思緣之同異者曰理。審決簡擇之慧者曰勝解。究竟楷定之理者曰了義。無能無所故無差別。無差別故無可分類。無想無名無念無數無思無緣無慧。無理無勝解無了義強以無差別者謂之心。心亦隨法性而有差別強以有差別者謂之法。法亦依心真而無差別。功極而應真謂之聖。見性而趣道謂之賢。契聖而賢積賢而聖。作之則將須道者之虛。虛則入。將事道者之壹。壹則盡。將思道者之靜。靜則察。入而盡。盡而察。則功極而應真矣。知虛知壹知靜曰見真性。無性知藏知異知勤曰見幻性。有性在乎聖真者。想念思慧勝解皆曰智。名數緣理了義皆曰德。合智德而符心真以一如者曰仁。總智德而殊法性以萬殊者曰人。人即兼指一切衆生。不昧無差別心而徧觀有差別法。是謂以一行萬隨順。差別之理而曲成差別之事。是謂以類行。雜上皆是吾自定義界。閱者不得以成名駁。差別而無差別。故天下無二道。聖人無兩心。無差別而差別。故體常而盡變。不昧無差別心而徧觀有差別法。故兼陳萬物而中懸衡焉。隨順。

差。別。之。理。而。曲。成。差。別。之。事。故。衆。異。不。相。得。蔽。以。亂。其。倫。也。是。謂。大。清。明。於。是。乎。心。術。之。患。祛。蔽。塞。之。禍。解。矣。不。能。了。無。差。別。之。一。不。能。盡。有。差。別。之。類。由。是。而。役。其。心。焉。乃。偏。舉。一。隅。以。概。全。各。封。一。界。以。相。伐。心。不。使。焉。則。又。白。黑。在。前。而。目。不。見。雷。鼓。在。側。而。耳。不。聞。此。衆。人。之。所。由。蔽。也。其。爲。蔽。雖。萬。殊。哉。其。所。由。蔽。者。具。於。斯。矣。故。君。子。貴。明。乎。道。而。誠。乎。心。焉。

(完)



佛學叢論

唐大圓

心無性論

古文心爲心。象花木蕾。擬肉團心。或如西人以運思用腦。說心在腦。故上象腦。下從心。示心與腦貫通。意在佛家思爲心。所助心作業。與心相應。非卽是心。以是知中國古時。但知有肉團心。西人但知有心。所雖心亦不知。性字從心生聲。形聲會意。謂心之生卽是性。是其言心言性。皆有生滅。心有生滅。固然性若有生滅。則與心何別。以是義故。中國古人多不知所以爲性。所言性皆誤。心爲性。不知無性。如告子曰。生之謂性。荀子曰。生之所以然者謂之性。名雖言性。實則言心。心卽剎那生滅。故亦無性。今請先言心。

老聃曰。聖人無常心。以百姓心爲心。心本無常。不獨聖人。常人乃至一切有情皆然。若執爲常。乃是徧計所執。性亦是第六識中之俱生分別我法。二執亦是第七識之俱生我執。故老子又云。道可道。非常道。名可名。非常名。可道之道。與可名之名。皆依他起性。若執爲常道。常名。則是由染分依他而成。徧計所執之實我實法。若知雖可道名。而非有常。則遣徧計所執。而契圓成實性。卽二

無。我。所。顯。之。真。如。亦。卽。淨。分。依。他。然。則。何。云。以。百。姓。心。爲。心。耶。曰。一。切。衆。生。無。常。之。心。本。來。平。等。無。有。差。特。亦。無。執。著。自。第。六。第。七。二。識。相。應。之。不。正。見。心。所。執。爲。實。我。實。法。認。爲。性。常。遂。起。種。種。分。別。計。度。執。爲。何。者。是。我。何。者。是。人。何。者。是。色。何。者。是。心。何。者。可。貪。瞋。癡。何。者。可。殺。盜。淫。妄。語。等。乃。至。分。別。無。已。寢。寢。起。八。萬。四。千。煩。惱。生。生。死。死。輪。迴。六。道。然。推。其。根。本。重。罪。猶。在。執。我。若。知。我。心。卽。百。姓。心。都。無。有。我。卽。此。心。亦。是。無。常。於。是。日。用。常。行。應。事。接。物。皆。翻。然。悟。此。無。我。之。無。常。心。卽。是。百。姓。之。無。常。心。事。事。以。百。姓。心。爲。準。百。姓。心。所。好。卽。好。之。百。姓。心。所。惡。卽。惡。之。若。拂。百。姓。心。之。好。惡。卽。是。拂。自。心。之。好。惡。若。順。自。心。之。好。惡。而。拂。百。姓。心。之。好。惡。時。則。應。知。此。必。有。我。或。執。我。心。爲。常。如。悟。無。我。無。常。必。無。是。也。若。順。百。姓。心。之。好。惡。而。拂。自。心。之。好。惡。時。亦。應。知。此。由。妄。執。有。我。妄。執。我。心。爲。常。之。習。氣。使。然。非。我。本。心。如。達。本。心。必。無。是。也。如。是。則。知。欲。求。本。心。求。之。於。已。則。不。得。同。之。於。百。姓。則。得。之。欲。同。百。姓。之。心。求。之。於。百。姓。之。各。自。則。不。得。求。之。於。百。姓。同。情。間。或。共。同。相。互。關。係。時。則。得。之。自。心。不。欲。自。拂。好。惡。知。百。姓。心。亦。不。欲。自。拂。好。惡。百。姓。心。不。自。拂。好。惡。卽。自。心。得。遂。其。好。惡。以。是。故。學。佛。人。但。隨。順。衆。生。心。不。自。有。其。心。則。自。願。旣。滿。衆。望。亦。足。昔。普。賢。菩。薩。之。欲。滿。普。賢。願。也。則。言。恆。順。衆。生。謂。盡。法。界。虛。定。界。十。方。刹。海。所。有。衆。生。種。種。差。別。所。謂。卵。生。

胎生濕生化生。或有依於地水火風而生住者。或有依定及諸卉木而生住者。種種生類。種種色身。種種形狀。種種相貌。種種壽量。種種族類。種種名號。種種心性。種種知見。種種欲樂。種種意行。種種威儀。種種衣服。種種飲食。處於種種村營聚落。城邑宮殿。乃至一切天龍八部人非人等。無足二足。四足多足。有色無色。有想無想。非有想非無想。如是等類。我皆於彼隨順而轉。種種承事。種種供養。如敬父母。如奉師長。及阿羅漢。乃至如來等。無有異於諸病苦。爲作良醫。於失道者。示其正路。於闇夜中。爲作光明。於貧窮者。令得伏藏。菩薩如是平等饒益一切衆生。何以故。菩薩若能隨順衆生。則爲隨順供養諸佛。若於衆生尊重承事。則爲尊重承事如來。若令衆生歡喜者。則令一切如來歡喜。此明如來無常心。亦以衆生心爲心。衆生心歡喜。卽如來心歡喜。衆生心愁苦。亦如來心愁苦。然則真學佛者。當以其心隨彼。卵生胎生濕生化生。乃至無足二足四足多足。有色無色。有想無想。非有想非無想。等類衆生。轉又以如是等類之心。爲其自心。其種種承事。種種供養。如敬父母。如奉師長。及阿羅漢。乃至如來等者。卽是承事供養自心。其於諸病苦。爲作良醫。卽醫自心之病。於失道者。示其正路。卽示自心正路。於闇夜中。爲作光明。卽照自心之闇。於貧窮者。令得伏藏。卽濟自心之貧。如是平等饒益一切衆生。皆卽平等饒益自心。自心合於字爲息。

其義爲自心分時有自他種種無量之心互執爲我爲常生死不息致世界國家擾擾六道酬報無窮若以自心與他心合則心心相印本無自他我常等執則生滅滅已寂滅現前世界國家等影象皆歷然炳現於心海是卽自心亦名爲息息亦寂照義自爲寂心爲照寂照爲心實相故息爲心實相易曰復其見天地之心又曰七日來復來復有息義故耶教以七日爲一成因之安息與來復闔合有情同分非相倣也說心已竟次說性

問心若無常何以世人執心有善惡無記等三性起惑造業耶曰心可云有而實無性惟其無性故云心無常如孟子言性善荀子言性惡楊子言善惡混告子言無善無惡雖彼言性實祇證明心本無性何以故惟無性故可言善言惡言善惡混言無善無惡等皆不相礙故皆當於理故若執爲定善定惡定善惡混定無善無惡等卽是執無常心爲有常之徧計所執乃現前世間衆生之通病是不明心本無性而妄認心爲性所以紛紛藉藉大亂以起欲辨心性當先明性之義界莫善于鄙諺所云本性無改故凡說性皆宜以恆常不可改變爲義今孟荀楊告等所言性皆可改變在佛家不過第八異熟識中所含漏無漏種子以未起現行權名曰性故中庸云天命之謂又云喜怒哀樂未發此種子亦名習氣卽由衆生無始生死業習及父母遺傳乃至出生後社會

風俗習慣所染而成。故唯識家說此種子有二。一本有種。指無始遺傳。一新熏種。指習慣熏染。本有新熏種子共藏於異熟識中。則此復名一切種識。隨種種緣而起。現行。遂有善惡無記等種種。不同衆生。由此起善惡等定執。孟荀等亦爲施設爲善惡等性。若果此是實性。不可改移。則孟荀等何必修學。設教。何以故。性不可變。教學俱無益故。然性雖是無心。亦是有以其有心。故能顯現。世出世間一切諸法。以其有心。無性。故世出世間一切諸法。皆是無常心之所顯現。在佛家空宗名曰唯境。以無性。故空。有宗名曰唯識。以有心。故有。禪宗有自稱無心道人者。亦卽無心之性。若定執無心。卽是外道。空亡二乘。灰滅之流。此無常心。乃唯識家所云識性。卽其所云我法二執。成唯識論云。識是依他起性。決定是有。依識所起實我實法。是徧計所執性。決定非有。是故學佛者。若言自利。則宜達無常心。言利他。宜知以百姓心爲心。今初言達無常心者。應知心可隨假名。以緣無法。不可隨心。所緣執爲實。有如瑜伽師地論五十二說。意識亦緣非有爲境。謂如世尊微妙言說。若內若外。及二中間。都無有我。此我無性。非有爲攝。非無爲攝。共相觀識。非不緣彼境界。而轉。此名第一言論道理。又如色香味觸。如是如是。生起變異。所安立中。施設飲食車乘衣服嚴具。室宅軍林等事。此飲食等離色香等都無所有。此無有性。非有爲攝。非無爲攝。自相觀識。非不緣。


彼境界而轉。是名第二言論道理。又撥一切都無所有邪見。謂無施無受亦無祠祀。廣說如前。若施受祠等無性。是有卽如是見。應非邪見。何以故。彼如實見如實說。故此若是無諸邪見者。緣此境界。識應不轉。是名第三言論道理。又諸行中無常無恆無不變易。此諸行中常恆不變。無性非有爲攝。非無爲攝。共相觀識。非不緣此境界而轉。若緣此境識不轉者。便於諸行常恆不變。無性之中不能如實智慧觀察。若不觀察。應不生厭。若不生厭。應不離欲。若不離欲。應無解脫。若無解脫。應無永盡。究竟涅槃。若有此理。一切有情應皆究竟隨逐。雜染無出離期。是名第四言論道理。又未來行尙無有生。何況有滅。然聖弟子於未來行非不隨觀生滅而住。是名第五言論道理。由此證有緣無意識。常人能緣之心。皆卽意識。今由五種言論道理。旣證意識得緣無法。若復執爲實有。豈不被其所欺。顛倒孰甚。又應知心惟無常易起惑緣而難解脫。如瑜伽五十一云。云何心清淨。行苾芻遍知自心雜染愛樂相。謂心清淨行苾芻作如是念。今我此心於諸雜染長夜愛樂。自知愛樂諸雜染已。便從有貪性出於離貪性。安止其心。爾時其心於離貪性不能安住。亦不愛樂。更無異緣。惟有速疾還來趨入流散。馳騁有貪性中。如從有貪性。如是從有瞋有癡下劣掉舉不寂靜散亂性出。廣說乃至從放逸愛樂住性出於常勤修習諸善法中安止其心。爾時其心於

常勤諸善法中不能安住。亦不愛樂。更無異緣。唯有速疾。還來趨入。流散馳騁。乃至放逸。愛樂性中。如是名爲心清淨行。苾芻徧知自心雜染愛樂相。如是徧知自心雜染愛樂相已。此心清淨行。苾芻復能徧知自心雜染過患相。謂作是念。我今此有貪心。能爲自害。能爲他害。能爲俱害。能生現法罪。能生復法罪。能生現法後法罪。又能爲緣。生被所生身心憂苦。如於有貪性如是。乃至於放逸愛樂性。當知亦爾。復作是念。此有貪心。乃至放逸愛樂心。有過患。故有疫有橫。有災有惱。如是徧知自心雜染過患相已。復能徧知自心雜染還滅方便善巧相。謂我今不應隨自雜染。有諸過患。有疫有橫。有災有惱。心自在轉。必令自心隨我。勢力自在而轉。彼既如是。了知我今不應隨順自心而轉。當令自心隨我轉已。數數思擇。令有貪心捨有貪性。無貪心安住。愛樂又復於彼見勝功德。如是乃至令捨放逸愛樂住性。乃至於常勤修習諸善法中安住。愛樂又復於彼見勝功德。彼多安住如是行已。爾時其心不由思擇。於常勤修習諸善法中自然安住。愛樂於前雜染愛樂性中。深生厭責。由此因緣。心清淨行。苾芻如實了自心雜染愛樂速疾迴轉。無譬喻性。又能善知如是雜染心。有過患性。又能善知如是雜染心。還滅方便。由如是故。心清淨行。苾芻速能證得無上心清淨性。此無上心清淨性。卽是無常無性之心。惟心無常無性。故可雜染。愛樂亦可雜染。

還滅此亦孔子所云性相近習相遠之性以其漏無漏種法爾有具不具不由熏習而異故復云上智下愚不移唯識家亦因此立五性差別。

次言以百姓心爲心者謂應了三界唯心心又無性無性之心緣生種種衆生之身是百姓者卽無性心之影現其影現之無性心亦卽我之自心如是因自心無性卽知百姓心皆無性故中庸云能盡其性則能盡人之性能盡人之性則能盡物之性能盡物之性則可以與天地參矣此言盡性卽是證知無常心之無性故有可盡遍一切物皆是心現遍一切心皆是無常遍一切無常心皆無自性故可由人通物由物通天地參言其通也若言人類之性物類之性佛家則名曰衆同分謂人與人之同分性名人同分物與物之同分性名物同分天與天之同分性名天同分就彼同分以言性則可分無窮如言有生性無生性有生中復言有情性無情性有情中復可云天人鬼畜等六凡性聲聞至佛等四聖性故近日太虛法師造性論分十門抉擇一言離性謂法界二法空性謂眞如三實相性謂三性四心自性謂覺體五有情性謂異熟識六現因性謂一切種七佛種性謂無漏種八異生性謂分別種九差別性謂類同分十實質性謂二我執此十類者雖有眞妄假實有爲無爲有漏無漏種種之別實別皆方便施設若執爲實祇是執二我之實執

性而已。何以故。一切法無性。契經處處說故。既知無性而復有所說。則知說性但假施設。故彼十性首標離言。以示信不可說。凡所謂性皆是心變。心卽無常。問曰。聃之言果佛耶。何其崇重若是。曰。無常無性之理。本徧一切。如世飲食。匙能知味。聃或菩薩密應。雖未窮法原底。而一言偶中。安可輕視。矧法華經亦云。雖說俗間經書。皆順正法。此無常心語。卽順正法者。故可借以暢此心無性說。



周禮政詮續第五期

但 燾

小司徒以六樂防萬民之情而教之和。今各國公園多附設音樂廳。每當日夕。短策徜徉。排雲入漢之節。含商觸徵之奏。雅俗得宜。隆殺適度。勞人爲之駐足。思婦於以開顏。洵周官之良規。亦文明之韻事也。

又三年大比。則受邦國之比要。鄭司農云。五家爲比。故以比爲名。今時八月案比是也。要爲其簿。案簿當爲今之戶口冊。日本戶籍有掌於行政官署者。有掌於警察者。其用意與周官同。

又令五家爲比。使之相保。五比爲閭。使之相受。四閭爲族。使之相葬。五族爲黨。使之相救。五黨爲州。使之相調。五州爲鄉。使之相賓。按此爲一種地方聯合之制度。近世各國地方公共聯合之發達。以比利時爲巨擘。西歷千九百年。隸籍者尙不過十五萬人。翌年驟增至四十萬人以上。然彼則出入自由。此則明著條教。又如日法。強制經商者必入該業之聯合。服其規則。是以一業爲歸。非以地方爲主。綜觀同異。蓋未

有密於周官者也。

歲終。則令教官正治而致事。註致事。上其計簿。日本各校學生成績表及試卷。均須儲成若干年。以待文部檢視。與周官同。


又鄰師。凡邦事。令作秩序。註事。功令之事。事有常次。則不偏迫。日法。町村之長。綜長。町村財政及町村所設營造物。若歸他員管理時。任監督之責。亦周官作秩序之意也。

內小臣。后有好事於四方。則使往。有好令於卿大夫。則亦如之。註后於卿族所善者。使往問遺之。日后有問遺。多遣皇后宮大夫將事。與周官同。

內宰。致后之賓客之禮。註謂諸侯來朝覲及女賓之賓客。今各國使臣奉使至與國。必覲見國后。禮也。

又歲終。則會內人之稍食。稽其功事。案內人當如日本宮內女官。又會宮內之財用。案此可見先王節用之政。雖宮闈亦不稍疏。

職幣。凡邦之會事。以式法贊之。今各國編纂預算。皆有程式。與周官同。職內。掌邦之賦入。辨其財用之物。而執其總。以貳官府都鄙之財入之數。以逆邦國之用。註。謂辨財用之物。處之使種類相從。總謂簿書之種別。與大凡官府之有財入。若關市之屬。案各國預算。多采一定體裁。有純一預算。分類預算之別。其取純一預算之國。但須以一年分作數回。又有事後重行加入者。曰追加預算。權定項目。以備急需者。曰權定預算。而類別預算。則門分類別。有異於前所云。茲揭圖以示之。



觀此周官之制。以種類相從。蓋亦爲類別預算也。

及會。以逆職歲。與官府財用之出。而敘其財。以待邦之移用。註謂參互鉤考之。釋謂會者。謂至歲終會計。以逆職歲者。逆謂鉤考也。職歲主出。職內主入。以己之入財之數。鉤考職歲出財之數。又云與官府財用之出者。謂職歲出財與官府所用之數。並鉤考之。今預算制度美備之國。特設立法院。爲獨立官府。專司議定預算。周官之內。府卽其職也。

職幣。掌式法以斂官府都鄙與凡用邦財者之幣。案日本東京稅務監督局設有經理部。掌徵稅式法。凡徵收合法與否。納入稅金與稅額相符與否。皆歸該部稽核。與職幣同。

掌皮。以式法頒皮革於百工。註式法。作物所用多少故事。又共其毛毳爲毼。以待邦事。日本有製絨廠。屬陸軍省。與周官同。

司市。市師蒞焉。而聽大治大訟。胥師賈師蒞於介次。而聽小治小訟。近世商業繁盛。

情偽譎詭。不可究詰。關於商事辭訟。非特設法司。簡熟諳商情之專門判官任之。未見其有當也。比利時國法。凡法司所在地。商人年納營業稅八圓。兼有選舉市會議員之權者。得選舉判官。具此資格。守正不阿。經商五年以上者。及現尙在商者。得授爲判官。與周官之選任專門智識之士同。

瘍醫。凡有瘍者。受其藥焉。釋曰。凡國中有瘍。不須身來者。並於瘍醫取藥焉。日本藥劑法令。區售藥藥品二種。何謂售藥。判其種類。不使相濟者。何謂藥品。以他藥配合而成者也。如藥丸藥水是。以上二種。須經內務省衛生局化驗。登錄商標。始准販賣。凡醫。非帝國及專門學校大學畢業。及曾受國家特種考試及第者。不准診視病人。其僅配藥而不能診脈擬方者。爲藥劑師。凡有志爲藥劑師者。無論男女。須滿二十歲以上。與考中式。得有營業憑照者。在內務省登記。始能營業。秤量器務須平準。藥方不明。則當商之原醫。不得私心自用。擅自加減。其方須保存十年備查。周官於醫師之外。不准受藥於他處。尤有深意。

宮正。春秋以木鐸修火禁。案日本火禁。營救於既發者。則有消防警察。綢繆於未然者。則有火災警察。日本東京消防制度。劃市內爲十六區。分署凡六。駐於要地。本部駐於警視廳內。受治於警視統監。消防教育。訓以屬於消防法令。各國消防制度。運用機械之式法。水道之布置。第宅之構造。皆在所不可忽。火災警察。如稽查收藏煤油之所。及竈門暖房之如何。爆發物危險物火燭等有無疏忽。注意消火器防火線之作用。及煙突之構築。避火之方法。電氣煤氣。照耀通衢。不無引火之虞。尤須設法預防。此火災警察之分內事也。周官之火政。其詳不可得而聞。然其用意。固自相同也。

甸師。王之同姓者有罪。則死刑焉。註。王同姓有罪當刑者。斷其獄於甸師之官也。日本皇室典範第五條。人民控告皇室民事訴訟。歸東京控訴院審判。裁判所構成法第三十八條。對於皇族民事訴訟第一審及第二審之審判權。屬東京控訴院云。與周官用意同。

小宰。三公六卿之喪。與職喪帥官有司而治之。凡諸大夫之喪。使其旅帥有司而治之。案近世各國值元老國勳亡云。則以國帑葬之。受之者尤爲異數也。

又掌治法以攷百官府羣都縣鄙之治。乘其財用之出入。凡失財用物辟名者。以官刑詔冢宰而誅之。註。辟名。詐爲書以空作見文書與實不相應也。案日本刑法二百四條。增減更易官文書者。處輕懲役。又第二百五條。官吏對於所掌文書。僞造或加減更易行使者。照前條加等治罪。第二百八十九條。官吏竊取監守金穀物件者。處輕懲役。因而變減更易在官文書簿籍者。照二百五條例處斷。又二百九十條。經收租稅及他項入款之官吏。額外私行徵收。處二年以上四年以下之重禁錮。附五元以上五十元以下之罰金。立法可謂嚴矣。

宰夫之職。掌官府之徵令。辨其八職。一曰正。掌官灋以治要。註。正。辟於治官則冢宰也。治要。若歲計也。日法。各省大臣爲該省長官。有統率全省事務之責。對於國務負責任焉。其同者。一曰師。掌官成以治凡。註。師。辟小宰宰夫。案日法。各省有秘書官。

由大臣辟用。備顧問。可與參事官兼理官房事宜。其同者二。三曰司。掌官廳以治目。註。目。日計也。日法。各省之下有大臣官房。有各局。局之下有課。行事皆有程限。不得稽滯。其同者三。四曰旅。掌官常以治數。今日本內務省官房掌授受官文成案等事宜。其同者四。五曰府。掌官契以治藏。今日本內務省大臣官房掌保存官文官書。其同者五。六曰史。掌官書以贊治。日本內務省大臣官房之下。有文書往復課。由課長按照函面分交長次官及各局。除重要函件外。由局長飭下課長。五日內具辦法程式。交回文書課。其同者六。七曰胥。掌官叙以治叙。日本各省局長之下。有官屬。由大臣剖委處理瑣事。其同者七。八曰徒。掌官令以徵令。日本各官署多雇用民夫。以供奔走。其同者八。

章太炎曰。正師旅及府史胥徒等。自來不能變易。不必日本也。

小宰。凡小事皆有聯。案日本市町村。無所之而不見聯。若衛生之聯。若信用貸金之聯。若購取販售之聯。若戒烟酒之聯。若貯蓄之聯。猶可推見周官之治。

天官。凡邦之小治。則冢宰聽之。註。大事決於王。小事冢宰專平。按小治云者。猶云不在主上。大權之內也。日本內閣總理大臣。在憲法上雖與他國務臣同等。而爲監理行政起見。其特權凡三。一爲執行法律命令。維持安寧秩序。得發閣令。二行政各部大臣所發命令。如以爲違法越權。或害公益。得暫令中止。三掌裁決恩賜扶養費及支給等事。亦小事專平之意也。

又三歲。則大計羣吏之治而誅賞之。日本各部大臣監督部下僚屬。有懲戒之權。判任以下屬員。得自行任免。勅任官則由總理大臣奏聞任免。與周官同。

又牧以地得民。註。牧。州長也。按日本府縣知事。皆有地治者。凡府縣轄境之變更。皆以法律制定。誠重之也。

師以賢得民。儒以道得民。日本專門學校教員。須具甲乙丙丁四種資格之一者。方能預選。甲。有學位者。如博士之類。乙。大學分科畢業生。或官立學校畢業生。得稱學士者。三。文部大臣指定者。四。文部大臣認可者。又日本官吏有不須經考試者。一。因

位高德劭。特被恩命者。如各省大臣。韓國統監。內閣書記官長。各省秘書官等是也。
二、有相當之程度者。如在中學五年之畢業生。可不經考試爲判任文官。又在官立
大學法科文科畢業者。考高等文官時。可免甄別頭場。三、有相當之履歷者。如曾經
考官銓衡許可者。不經考試。得充教員。充教員數年者。不經考試。可爲視學官。慎選
師儒。此其遺意也。

擬重刻古醫書目

清光緒九年作

馮一梅

馮君諱一梅。字夢香。慈谿人。從學曲園先生。于不佞爲先進。博見多聞。兼綜方技。是篇則在浙局所擬者也。甲乙肘後鬼遺及證類本草孫輯神農本草。本醫師所不可闕者。其林校傷寒論原本。則趙清常影宋所刻。日本安政三年所翻。其異於成無已注本者。卷首獨有目錄。方下獨多叔和按語。又林氏以別本校勘者。成注本亦刪去。余昔以論中寒實結胸與三物小陷胸湯白散亦可服。寒熱互歧。諸家不決。因檢千金翼方所引。但作與三物小白散。而林校所引別本。正與千金翼方同。由是宿疑冰釋。今成注本刪此校語。則終古疑滯矣。信乎稽古之士。宜得善本而讀之也。本事續方亦多勝處。良方傷於奇峻。同方偏於香燥。誠如昔人所指。然如至寶丹四君子湯二陳湯香薷飲等。人所共曉。不得其書。則冥冥不知緣起矣。唯中藏經出自晚宋。用藥與古絕殊。外臺秘要所錄元化諸方。此並不見。頗疑宋人臆造。孫淵如誤信之爾。活人書三因方聖濟總錄儒門事親。今上海皆有印本。其餘單行者殊少。馮君之志。待後人成之矣。民國十二年十二月。章炳麟識。

聖濟總錄二百卷。宋政和中奉敕撰。四庫纂錄止纂要二十六卷。乾隆五十年。震澤汪氏始以二百卷原本梓行。今所傳燕遠堂本是也。但此本尙非完帙。其第九十五卷第九十九卷。第二十二卷皆仍原本之缺。且第一百四十五卷中有脫文。第九十三卷中有脫文。百零三行。汪氏竭盡心力。無從校補。悉照原缺登梓。近日見有東洋刻本。凡汪有所缺。皆洋本所有。數百年來。古本將溷。今日復成完璧。欣逢此會。時哉弗可失矣。竊擬用汪本爲底本。再購洋本一冊。與之參校付刻。必成善本。或洋本不易購致。向近時已購得洋本之家。借鈔缺卷。似亦較便。此書卷帙浩繁。若民間私刻。非大力者不能勝任。且古方書如外臺秘要已刻於嶺南。千金方已刻於滬上。得此則北宋以前古方從此可得。大概故局刻古醫書。梅獨以此爲當務之急而首列之。

大觀證類本草三十一卷。宋唐慎微撰。四庫纂錄三十卷。乃政和本也。大觀本之第三十一卷。實卽政和本第三十卷之上半卷。雖卷有分合。而其文實無增減。此書自宋以來。本是家傳戶誦之書。故前明坊間照此兩本屢翻。不計其數。近日所見各本。惜皆前明翻刻本。未得宋刻原本。又所見東洋翻刻各本。亦與明刻本板式均非一律。然合諸本校之。或彼誤而此不誤。或此

誤而彼不誤。當亦必成一善本矣。此書佳處。在所引神農本草名醫別錄。唐本草。蜀本草。開寶本草。諸書悉載原文。未嘗增刪一字。尙得漢唐以來著述舊法。故我朝嗜古之士。如孫淵如輯神農本草。畢秋帆注山海經。郝蘭皋疏爾雅。王石臞疏廣雅。莫不以此書爲依据。陶貞白朱書墨書之舊式。實賴此以存也。又此書宋刻原圖。必極精工。惜明代坊間翻刻本。盡失舊觀。浙局若因陋就簡。仍與坊刻本無異。瑜不掩瑕。亦一歉事。竊謂我朝圖學。以圖書集成爲最精。今擬於博物彙編之禽蟲草木二典中。檢出各圖。一一倩良工影寫。卽是本草之圖。倘缺數種。亦必所缺無幾。倩工補足。自非難事。此議如可行。必能駕宋刻原圖而上之。翻檢圖書集成與監督畫工影寫。願躬任其役。

甲乙經十二卷 晉皇甫謐撰。四庫箸錄八卷。今所傳皆十二卷。乃王肯堂古今醫統正脈本也。東洋刻本亦卽從醫統本翻出。知此書流傳日少。僅存一綫矣。謐自序謂合素問鍼經明堂孔穴鍼灸治要三部以成此書。所錄素問鍼經在王冰史崧未經編次以前。每有異文。尙存古本。明堂孔穴原書已佚。此書第三卷專載人身孔穴部位分寸。爲自來言氣穴者所祖。實卽古明堂孔穴之文。凡銅人鍼灸經及鍼灸聚英鍼灸大全等書。皆從此書輾轉販鬻。得此書窺見

根柢。則他書皆可廢。又各篇之末。皆詳載其病主某穴。爲自來鍼法灸法所祖。實卽古鍼灸治要之文。

肘後備急方八卷。晉葛洪撰。梅所見有六體齋本東洋本。均八卷。與四庫本同。又見有道藏陸字號殘本兩卷。極精工。可備校。惜不得其完本。俗傳土方極靈驗者。往往出於此書。洗冤錄所附救急諸方。亦卽從此書抄出。知此書實爲單方之祖。

巢氏諸病源候論五十卷。隋大業中巢元方等奉勅撰。所見有東洋刻本及明刻本。又嘉慶戊辰年吳門經義齋重刻本。分卷並與四庫本同。巢氏病源亦有汪士鍾鑿芸書舍本。此書雖有論無方。然於各症。辨析脈象極詳密。必有師承。非後世憑虛臆度者可比。故外臺秘要各門必首引此書。然後附綴他說。學者既讀內經。而欲精益求精。非此書不可。

難經集注五卷。明王九思等輯。四庫未箸錄。始見於東洋佚存叢書中。阮文達公讀經進呈。金山錢氏復刻入守山閣叢書中。近聞上海雖已將佚存叢書全冊翻刻。然每冊直十餘圓。非寒儉者所能猝辦。若專刻難經集注爲單行本。則每冊不過錢數百。凡業醫者。可以人置一冊矣。此書所集注。爲三國時吳呂廣。唐楊元操。宋丁德用。虞庶。楊康侯。凡五家。備錄諸說。無所增刪。

如李鼎祚周易集解之例。頗得古法。晁公武郡齋讀書志。難經有呂楊注一卷。丁注五卷。虞注五卷。原書並佚。賴此以存。讀難經者。必當先讀此注。然後及滑伯仁、徐靈胎諸家。

以上六種。惟聖濟總錄須購致。餘皆梅所自有。然梅意以聖濟總錄與大觀本草爲最要。緣此二書。卷帙繁重。必不能以私刻自任也。

傷寒總病論九卷。附音訓一卷。修治藥法一卷。宋龐安時撰。音訓及修治藥法。其門人董灼編。四庫雖箸錄。而傳本極少。惟黃氏士禮居叢書有之。王肯堂古今醫統正鵠所刻傷寒論。用金成無已注。而龐書實在無已之前。

太平惠民和劑局方十卷。總論三卷。四庫箸錄無總論三卷。張氏學津討原本有之。宜用學津本爲完帙。朱氏局方發揮。雖極詆其過用香燥之藥。然其方自古流傳。非出杜撰。凡醫者當因病以投方。非執方以試病。若審病未當。而誤投之。不得歸咎於方也。

劉涓子鬼遺方五卷。龔慶宣撰。四庫未箸錄。隋書經籍志有此目。今見於顧氏讀畫齋叢書中。隋書稱十卷。而今止五卷。殆非完本歟。抑卷佚爲後人所并歟。隋以前方書。獲存者。肘後而外。以此書爲古。

以上三種皆梅所未得。而有志借鈔者。士禮居學津討原讀畫齋叢書。臧家往往有之。浙局如許重刻。借鈔尙屬非難事。梅願躬任其役。

右皆梅所平日傾慕之書。深願浙局付梓。公諸天下同好。以惠民濟時者也。

素女方一卷。四庫未箸錄。隋書經籍志有此目。今見於孫氏平津館叢書中。曲禮醫不三世。不服其藥。孔疏。三世。一曰皇帝鍼灸。二曰神農本草。三曰素女服訣。今軒農之說並存。而素女之書久佚。或者素女遺法。尙見於素女方中。

附呈古醫書備采目

素問六氣元珠密語十七卷。唐啟元子王冰述。天一閣書目有烏絲闌鈔本。入子部道家類。梅購得鈔本一冊。無烏絲闌。蓋別一本也。近日宗湘文太守重理天一閣藏書。已無此冊。則梅所購藏者。可寶貴矣。

元和純用經一卷。唐啟元子王冰著。其書亦言五運六氣。與元珠密語相發明。梅已購藏。有六醴齋本。

南陽活人書二十一卷。宋朱肱撰。陳振孫直齋書錄解題作十八卷。馬貴與文獻通考作二十

卷王肯堂古今醫統正脈有二十二卷。今所謂二十一卷者。乃東洋刻本也。梅已購得洋本。擬再訪醫統本合校。

續本事方十卷。宋許叔微撰。四庫箸錄止本事方十卷。近日已有釋義梓行。惟東洋刻本後多續方十卷。爲四庫所未錄。梅已購而藏之。

神農本草經三卷。國朝孫馮翼輯。問經堂叢書有此種。梅已借鈔藏之。馮翼所輯。雖盡從大觀證類本草中錄出。然其與太平御覽諸書參校頗有異同。且其低一格。案語中臚引古書參考互證亦多大觀證類本草所未及。

中藏經三卷。漢華佗撰。近日上海有徐君沛重刻本。分爲八卷。乃古今醫統正脈本也。孫氏平津館本止三卷。係照趙文敏手寫本翻刻。較醫統本爲古。梅已借鈔藏之。

宋本傷寒論十卷。宋林億校正。四庫所錄傷寒論。爲金人成無已注。而林億原校本久佚。近日注傷寒者不下數十家。類皆名醫私臆。顛倒次序。刪改原文。孰今孰古。幾於不可究詰。卽成無已注本。稍覺近古。而坊間屢經翻刻。亦多爲俗手所刪改。幸東洋尙存此本。係照宋本翻刻。學者讀此。或能稍有依据。浙局若据此重刻。亦中流一砥柱也。炳麟按成注刪方下諸語。元板

已然。非由翻刻刪改。

以上皆四庫未箸錄。而梅已藏以備采者。

難經本義二卷 元滑壽注。已得東洋刻本。

褚氏遺書一卷 南褚齊澄撰。已得六醴齋本。

蘇沈良方八卷 宋沈括撰。已得藝海珠塵本。

旅舍備妥方一卷 宋董汲撰。已得墨海金壺本。

素問入式運氣論奧三卷 宋劉溫舒撰。已得東洋刻本。

傷寒微旨二卷 宋韓祇和撰。已得墨海金壺本。

三因極一病證方論十八卷 宋陳言撰。已得東洋刻本。

儒門事親十五卷 金張從正撰。已得東洋刻本。

以上八種。皆四庫已箸錄。而梅已藏以備采者。如局刻聖濟總錄諸書後。更有餘力。將此書盡行付梓。可謂醫學集大成矣。

文

苑

麓

不



文錄二首

文說五則

劉師培

物成而麗。交錯發形。分動而明。剛柔判象。在物僉然。文亦猶之。惟是捺欲通嘯。紘挺實同。偶類齊音。中邦臻極。何則。准聲署字。修短揆均。字必單音。所施斯適。遠國異人。書違韻誦。翰藻弗殊。侔均斯遜。是則音泮輕軒。象昭明兩。比物醜類。泯蹟從齊。切響浮聲。引同協異。乃禹域所獨然。殊方所未有也。

此一則明儷文律詩。爲諸夏所獨有。今與外域文學競長。惟資斯體。

易大傳曰。物相雜故曰文。論語曰。郁郁乎文哉。由易之說。則青白相比。玄黃厝雜之謂也。由語之說。則會集衆采。含物化光之謂也。嗣則波長說文。詁遣相詮。成國釋名。卽繡爲譬。准萌造造字之基。顧題正名之旨。文匪一端。殊途同軌。必重明麗。正致飾。盡亨綴兆。舒疾周旋。矩規然後攷。命象以極。情性觀形容。以況物宜。故能光明上下。燮措萬類。未有志白賁而訖翰。如執素功以咳績事者也。

此一則申明文詁。俾學者顧名思義。非偶詞儷語。弗足言文。

文區科臬。流行萬殊。董賈摘詞。未均羨絀。彥和綜律。始闡音和。清濁周疏。間世斯審。後賢所闡。古或未昭。何則。人性之能。別聲被色而已。聲弗過五。而生變比。音弗可勝。奏色弗過五。而成文不亂。不可勝宣。故舞溢在庭。方員自形。蕤賓孔和。左鐘遐應。因物而作。或秉自然。至若龍璫齊暉。上下異昭。笙鏞節律。間代而鳴。彰彩諧音。率由世巧。由是而言。前哲因情以緯文。後賢截文以適軌。故沈思翰藻。今古斯同。而美媿黃裳。六朝臻極。輓近論文。恆以後弗承前爲詬。然六爻之位。皆繇左右。翦偶隆奇。曷云成列。況周冕玉藻。前後遂延。驟易夏收。必乖俛仰。至於律呂宮商。雖基沈論。然錫鑿失和。雖有金輅。樊纓末由昭。其度雙璜。錯鳴雖有韞韞。幽衡末由俯。其媿故文。而弗儷。治絲以琴之說也。儷不和律。琴瑟。搏壹之說也。

此一則。證明齊梁文詞。於律爲進。弗得援後世。弗率程律之作。上薄齊梁。著誠去僞。從質舍文。兩詞瀕似。旨弗同科。世儒蒼猶。以質詮誠。不知說而麗明。物睽

斯類。明不可息。冥升奚貞。古入公門。必彰列彩。雜服是習。不愆安禮。火龍可賤。於昔
蔑間。夫蔑。席之平。素衣之襮。猶必畫純。鑠其華。朱緯煒其裼。況於記久。明遠經緯。天
地者乎。孔崇先進。旨主刺時。故有質無文。葛盧垂貶。質果可復。則是彪蒙匪吉。虎炳
匪孚。子羽未可休。棘成未足紕也。又隋唐以前。便章文筆。五代而降。桴類翁觀。裋褐
在躬。襲蒙袞裳之名。土鏹是飯。因云雕俎可齊。董仲舒有言。名生於真。非其真。弗以
爲名。名背厥真。此萬民所由喪察也。

此一則。證明沈思藻翰。弗背文律。歸茅方姚之倫。弗得以華而弗實相訾。

文崇六代。惟主考型。若夫宣究流衍。擅引緒耑。習肄所及。兩漢實先。譬之大饗。丹漆
絲纒。庭實旅陳。蒲越稟秣。兼昭貴本。於禮有然。庸傷翩反。況復嫺習雅故。底究六籍。
楊馬張蔡。各臻厥茂。伐柯取則。執一斯封。率迪衆長。或庶幾焉。

此一則。明六朝以前之文。必當研習。

邱太夫人神誥

章炳麟

余昔與井研熊克武同在江戶。未知其世也。數歲而克武與黃花岡之役。得不死。其秋。武昌倡義。克武亦以蜀軍起東川。後數遭變。卒自保。匡復全蜀。斥髮。夔而遠之。至于繕完。克武亦自以成功。有退身之志。民國十年。以母邱太夫人狀來。余始識熊氏家事。蓋克武喪母亦久矣。邱氏本爲丘。清雍正時。避先聖諱。始著邑爲邱氏。或曰出魯太史左邱明後。或曰非也。清末有處士諱鶴青者。則太夫人之考。女子子四。而太夫人當其仲。年十六。歸熊太公保周先生。事姑吳太夫人以孝聞。舉子男四。太公常遠游學。太夫人以主婦持門戶。鄰之桀黠者。視其家有田畜。數侵之。隨事設應。卒莫能害。尤樂施予。至乏無不悔。外孫廖氏子數。人家赤貧。相將來依。悉將護如己子。幼者或以乳乳之。其字愛如此。及克武與兄克成稍長。教督甚苦。恆以古人志行相厲。太公令克成就師。成都而遣。克武之日本學。鄉人時稱異言。異服爲害。太夫人不爲動。擗節事用。以濟旅食。克武在江戶數歲。終不令歸省。是以卒之日。子姓皆遠處。無得視屬纊者。太夫人固安之。而克武兄弟至今以爲恨。今去太夫人之卒。十有餘年。

矣。聞其流風遺範。猶稱道于鄉邑。士大夫間。夫能制侵暴。可謂才矣。惠其婚姻。可謂仁矣。處下縣之地。擱然使子學于海外。而不疑。可謂知廢興矣。邦人誦之。不以私其子。斯固不可忘也。太夫人既葬數歲。而克武以故督軍家居。直太公未篤老。猶得盡奉養。然愈欲顯母名。此亦人子之志也。余已受狀。于是爲之神誥。系曰。
倬彼坤維。鮮遼裔兮。厥生邦媛。在執笏兮。遠師巴清。禦虔奪兮。解食之恩。惠于出兮。分遣宦學。彌其決兮。烏虜仁明。竟中愍兮。厥壽伊何。卅有八兮。有子啟疆。謝天伐兮。井絡大激。神來拈兮。

惆悵詞自序

金天羽

屠維淵獻病月之初。鶴望生春。醒夜解。憬若有覺。起視明蟾。灑灑屋山。簾波花影。自相搖曳。危坐蘇石。視聽一寂。俄聞笙鶴。宛轉雲表。宮徵諧韻。契靈樂祖。爾乃覩察踪迹。會之以神。叩寂知響。躡虛求有近。聞遠覺。乃來肺腑之竅。嗚呼。詩樂無聲。人天合籟。大鈞開橐籥之秘。元音被器數之先。是以園丘合奏。無假乎雲門。漆室微吟。不齊

於子夜。洪纖異類。慘舒同情。自情發於中。辭文於外。則卿雲壯揖讓之氣。滄浪動孺稚之天。抑聲來被辭。樂以和聲。則娥臺譜飛燕之謠。虞賓觀儀鳳之瑞。聲詩既合。情文乃宣。情辭以遞變而新。斯韶鄭亦相嬪爲用。是以孟氏稱詩不云正樂。左徒作賦無由比音。嬴劉以降。流變斯極。嗚瑟利屣。舞邯鄲之倡。芝房寶鼎。譜協律之尉。蓋非獨元音晦昧。卽器數亦隨之而亡。生也。卍角誦詩。卽受比興。年登弱冠。傷於哀樂。句吳雲水之鄉。靈迹所寄。亦嘗借屐擁櫂。載酒長往。夜雨宿梁鴻之廡。落日拜婁離之墳。尋夷光故宮。呼烟語魅。立生公講座。禮塔攀花。驚聽回視。淒脾寒魄。寸心自媚。古靈無語。於是啟篋。選兩宋詞。自晏歐迄周張。都爲四卷。又選清代詞。自漁洋迄湘綺。都爲八卷。字曰惆悵。狀其情也。每當蘋渚秋楔。梅嶼春賞。過竹嶼以聽鶯。步蘆碕而射鴨。取伴行篋。殊吟曼呻。遠韻漁笛。近答樵唱。以爲師。延沈澗。紅鬼怨語。成連踏海。水仙遺玦。鈞天七奏。警常夢之方。酣象罔三求。識余情之安。朕沈晨涵夕。惟是爲歡矣。夫拂景易逝。理緒難長。薌澤非頤性之醪。哀怨實攻心之弩。是以素女絃瑟。悲泰

帝之魂。倉頡造文。實百靈之涕。孰得懸解。妙遺言詮。既恹焚琴。去何懺慧。客嘲間送。生有說焉。夫樂亡其器。大音原是希聲。王降爲風。小雅猶能知怨。風騷古誼。譎喻隱文。倚聲之道。於是爲優。是以元獻刺讒。楊花風禁。希文去國。芳草天連。遼海沈雁。秋榮故主之思。夢窗鶯啼序江國詠梅。春入胡沙之夢。白石疏影賺花鳥昇平之望。使去朝陵。後村木蘭花慢。怕鏡籌圓密之時。客彈邊曲。玉田法曲天上何夕。人間可哀。酒北花南。聊復引吭。消此胸中之塊。別求絃外之音。庶幾罪我者。春秋而知我者。牙曠嗚呼。



詩錄十一首

思岳陽

章炳麟

大江至荆楚。天險爲之開。昔過新牆驛。遙憐宗袞才。萬山如馬度。獨戍有龍回。湖外今無事。飛雲自去來。

悲溆陽

李詳

溆陽好古天下希。永寧多寶足配之。西園輸直忽再出。資州飲刃真堪悲。憶昔長安盛文史。旌旗徧樹潘翁壘。東觀餘論宣和圖。孔融尊酒平原履。此時奔走趨聲價。此時人物稱王霸。波斯大賈碧眼胡。傾倒公卿飽殘炙。如君驛廁竹林游。入仕山王亦勝流。監稅金錢搜秘冊。起家龍節鎮方舟。方舟持節無齟齬。西歷咸秦東吳楚。兼權鹽鐵賜銅山。交會流通夸少府。畢良史與廖瑩中。指撝狎客承下風。清明河圖定窳鼎。爭羨門下矜奚童。搏扶九萬搖銀海。珠槃玉敦凝光彩。百繡密拓沮渠碑。埃及文求五千載。廬陵鄱陽且服膺。何論下宋兩中丞。後生特起自天意。畢令嘗水分淄澠。

好官滋味。崦嵫景斥去。猶能保。要領出山。富貴爲羣奴。交胸。鉞劍生俄頃。秦山鴻毛。有重輕。惜君此死。太無名。頭顱萬里同。譚尙誰是。田王涕淚傾。智瑤飲器。傷殘忍擲。還糝胡嗟。泯泯持首。無客徇田橫。歸元有子求先軫。先爲人羨。今人憐。紛紛過眼。如雲烟。精靈啼血。時來往。莫便空山化杜鵑。

甯壽宮詞

孫景賢

章皇當日入關初。要懸弧矢定坤輿。一代龍興徵秘史。衆生魚爛奉文書。廟謀宏達。威尺咫。特鑄金牌葆。寇史猶恐宮鄰。後代忘。欲知殷鑒。前朝是。貂璫不得位。諸卿狗監。那教越禁城。四星黯淡無顏色。只爲中央帝座明。詔語森嚴布方冊。甲令相傳年二百。總稽七政。握璇璣。安鎮九州。類磐石。從來天命。慣無常。涓涓禍水。本荒唐。熱河一哭。宮車晚。留得山嬰。問上皇。百官拜表。紛言事。白幃早定。臨朝制。褒帝初知。國步難。正衙不廢。廷臣議。壽山佳氣。鬱蔥蔥。罷講樓船。水戰功。胡天後。刼換前。刼。桑水新宮。勝舊宮。盤蛇櫺鳥。三百丈。天家富貴。眞無兩。電火齊縣。日月鏡。雲階新結。珍珠網。

避暑宸游賭水嬉。深宮行樂少人知。烏藥含香貢羅斛。鴟巾奏伎舞句驪。長秋一去
夢恍惚。誰奉金篋司玉拂。老佛螺髻添幾絲。小臣蠹命輕一髮。駟車誰復擅專房。蓮
貌依稀似六郎。描取江南時樣髻。携來試改內家妝。繡衣貴寵嗟無比。詼諧能博慈
顏喜。人生難得是無愁。天下興亡如敝屣。寶鏡盤龍四面開。官家侵曉問安迴。蓮葉
偷看魚戲樂。楊花飛入燕窠來。中山家世嬋娟子。城南小吏何足齒。願執獅環奉至
尊。甯壽宮中宣鳳紙。咳珠唾玉弄乾坤。歌翻連臂啄王孫。高官競逐千金價。小妹還
承再顧恩。鶴髮老瑤淚盈掬。鐵册猶存誰能讀。看取漢家土一坏。未抵晉人書千軸。
曾於海王村書肆獲見內府秘
藏皆宮監竊出求價亦不吝也寢殿晨昏侍從餘。反雲覆雨天嚙噓。史館但頒時政
記。諫垣那有匿名書。鸞臺鳳閣傳刀勅。徵兵謀起清君側。王璠枉遣募英豪。何進空
成誤家國。金吾廳事一朝開。森沈兵幕生風哀。衣帶似聞新旨下。罌罍已劫軟輦來。
含桃顏色飛蓬首。毀容暗乞慈恩救。豈有浮雲蔽日兄。願填清露答天后。官家孝思
作民倫。早日難忘調護恩。重請臨朝施紫帳。忍令執法議黃門。魚龍變幻如遊戲。兩

宮。謠。詠。真。無。忌。閣。門。嬰。翫。問。妖。祥。園。林。蟲。迹。成。文。字。城。西。烜。赫。門。如。雲。豪。貴。焚。交。歧。
路。輪。座。中。賓。客。誰。第。一。氣。概。終。推。同。姓。人。謂李來。中。蘭。盟。重。疊。稱。兄。弟。走。謁。王。侯。驚。倒。屣。
長。纓。請。得。縛。天。驕。吞。刀。吐。火。尋。常。技。九。重。宵。肝。啟。皇。衷。詔。爲。昆。夷。講。武。功。枉。習。陣。圖。
作。鵝。鸛。可。憐。軍。士。化。猿。蟲。北。門。筦。鑰。宵。傳。警。雞。籌。催。起。犀。環。醒。阿。監。先。奔。花。萼。樓。貴。
妃。已。墮。燕。支。井。蒼。黃。車。騎。出。重。城。愁。聽。鈴。聲。雜。雨。聲。五。臺。山。上。枏。檀。座。七。寶。鞭。前。草。
木。兵。龍。蟠。虎。踞。竄。狐。兔。夫。容。鏡。檻。歸。無。路。山。鳥。驚。呼。帝。奈。何。波。臣。欲。勸。公。無。渡。麻。鞋。
踢。破。豆。田。荒。金。牀。玉。几。夢。旁。皇。行。在。辟。風。兼。辟。雨。去。程。愁。露。復。愁。霜。秦。關。四。扇。縈。清。
渭。如。過。稠。桑。淚。相。對。水。自。東。流。人。自。西。安。得。迎。儂。歸。大。內。明。年。哀。痛。詔。迴。鑿。正。是。黃。
河。十。月。寒。鹵。簿。閑。聞。徵。百。僚。屬。車。重。見。擁。千。官。園。陵。冷。落。山。川。改。舊。時。金。盃。今。何。在。
已。判。靈。沼。化。灰。塵。又。看。花。樓。賭。錦。綵。重。樓。新。起。仿。祇。洎。殘。磚。剩。瓦。出。儀。鑿。搜。到。大。都。
宮。殿。簿。靈。光。更。在。翠。微。間。似。聞。昨。日。瑤。池。壽。後。庭。酒。肉。有。餘。臭。侏。儒。飽。死。臣。朔。飢。南。
臺。詔。復。宮。錢。舊。鵝。籠。書。客。醉。夢。餘。水。天。話。舊。每。歛。歛。原。頭。幾。失。上。林。鹿。市。中。曾。換。昆。

池魚甘泉玉樹多。枯槁唯有李花顏色好。青龍本是可憐蟲。赤鳳原知同命鳥。刑餘自古有英雄。索隱能存史筆公。亡秦却是趙公子。未許陳王第一功。

游五龍山詩

唐大圓

二儀入闔闢。萬象歸陶冶。積氣劃巖壑。嶽崎自天假。炎夏赫曦陽。躋險迷上下。籊雲馭飛龍。激流資傾瀉。谷風扇時物。丹碧何蕭灑。仰眺無端倪。俯絕塵氛惹。洞穴護幽苔。雙杏森拱把。耦坐默無言。虛室生般若。

雜詩

唐大圓

昔余游京華。侵侵鄙人事。既覽釋氏經。飄然謀出世。朝與禪僧談。夕坐驗心意。飢來聊且食。倦時但眠睡。蚊虻倏過前。吾心終不二。攬轡正陽門。莽蕩抵天津。陌頭少踟躕。目空若無人。衆山小齊魯。淮泗何紛綸。大江流日夜。征夫亦泃泃。所見皆虛妄。何曾動本真。

庾信哀江南。梁鴻聊適越。羲之集蘭亭。康樂拾海月。伊余汗漫人。江湖游未歇。不曾

資。章。甫。自。然。絕。請。謁。倘。遇。夷。齊。徒。相。與。采。薇。蕨。
我。愛。兼。我。慢。我。見。亦。我。癡。根。本。四。煩。惱。皆。自。我。中。滋。達。人。解。破。執。四。大。體。皆。離。無。地。
慢。何。立。無。水。愛。何。基。無。風。亦。無。火。見。癡。其。從。誰。超。然。露。地。坐。當。處。會。牟。尼。笑。彼。狂。癡。
子。將。奚。以。我。爲。

遺興

黃侃

蘇。生。西。入。秦。所。說。不。見。用。歸。來。發。憤。讀。陰。符。口。舌。終。爲。當。世。重。從。約。成。時。反。故。鄉。腰。
間。六。印。自。輝。煌。治。產。方。知。二。頃。少。感。恩。裁。用。百。金。償。從。來。高。位。難。長。久。危。機。一。發。殊。
而。走。空。將。車。裂。給。仇。人。智。計。誰。言。及。身。後。歲。寒。松。柏。更。青。桃。李。當。春。亦。暫。榮。雞。雍。
桔。梗。時。爲。帝。膝。楯。敢。塗。死。殉。名。偃。鼠。飲。河。唯。貴。足。鴟。梟。攫。腐。枉。相。驚。世。間。事。事。堪。長。
歎。斗。酒。花。前。獨。自。傾。

梅花

黃紹蘭

風。雪。空。山。獨。耐。寒。自。將。明。月。到。回。闌。神。清。愛。伴。華。亭。鶴。香。遠。疑。同。楚。澤。蘭。好。借。酒。尊。

酬寂寞。更隨驛使訊平安。雙禽宿處。苔枝穩。誰見黃昏縞袂單。

雙清別墅

黃紹蘭

黃昏庭院雙燕飛。細雨斜風黯客衣。去日已多。何可諫他鄉。縱好不如歸。江南花滿。春難駐。冀北羣空。願總違。玉砌雕闌猶彷彿。重來祇有淚堪揮。

春

影觀

好春如美酒。蕩漾中人心。脈脈不可語。繇繇意轉深。倦同新病起。幽似宿愁侵。此味誰能喻。黃鸝轉綠陰。



詞錄十五首

憶江南十首錄八

徐虔復

姑蘇雜詠

姑蘇好。珍重箇儂情。金鎖香開先。呢月珠闌花睡乍。盟星誰解惜惺惺。
姑蘇好。畫舫送春潮。桃葉清尊銀甲鬧。菱波低唱柘衫嬌。人倚木蘭橈。
姑蘇好。豔集綺羅鄉。么鳳攢花垂。蜀葉小蛾含粉綴。釵梁著意鬪新妝。
姑蘇好。綺食五侯厨。玉版香羹烹燕筍。銀絲鮮鮓切鱖魚。風味最清腴。
姑蘇好。歌管廣場招。弱柳春風樊。素曲畫橋明月小。紅簫一曲已魂銷。
姑蘇好。金翠話吳宮。夾岸笙歌山店曉。全湖燈火市橋紅。春滿畫樓中。
姑蘇好。匙雪虎邱茶。茉莉香龕新坐茗。芙蓉晴幙巧分花。滌器麗人家。
姑蘇好。花圃客分春。水檻玲瓏香霧隱。山齋精麗粉垣新。苔繡綠成茵。

醉花陰

徐虔復

泊垂虹橋

煙樹迷濛春色暮。寂寞虹橋路。橋上少行人。橋下垂楊。瘦盡連宵雨。零落春魂無覓處。飛作天涯絮。無賴是東風。但送春歸。不送人歸去。

南柯子

影觀

簾卷當窗。月花分隔。座香年時光景也。尋常何事愁濃。睡淺費思量。恨壓眉峯小。愁含遠水長。鏡中換了舊容光。獨自閒吟。閒坐又昏黃。

鵲橋仙

影觀

臘梅

東籬落盡。南枝未放。一點檀痕先露。冰霜嚼到淡無餘。好寄語橫枝。林妬白嫌粉膩。紅羞脂汗。怎似輕黃媚。獨憐格調太孤高。致歲歲春心總負。

水龍吟

黃侃

白蓮

萬花無此娉婷。接輿偶向姑山見。結璘小謫。飛瓊暫墮。瑤臺仙眷。縞袂延涼。珠璫弄水。寰中游行。便酡顏收卻鉛華洗盡。冰匳內越清顯。容易玉繩西轉。動微波。鞦韆羅輕。濺飄然歸去。更無人覺。露灑風軟。柳外眠鴛。葭邊隱鷺。來尋已晚。待今宵月下。練單宿處。共嬋娟伴。

好事近

黃侃

秋曉聞笳

凌曉啟樓窗。眼看蒼浪天色。門掩千家沈睡。但縱橫阡陌。空城笳吹轉喧鳴。聲遠藉風力。漫把胡沙。寒意向蕭條。江國。

浣溪紗

汪東

倚笛誰聞醉後歌。蕭蕭庭院晚涼過。雙垂銀蒜。押簾波。繞樹最憐黃葉少。登樓惟覺夕陽多。近來心事竟如何。

踏莎行

汪東

題寧蕙詞用碧山題草窗詞卷韻

去國情懷悲秋才調行吟莫恨知音少。三閭哀怨此中遺。楚江何處無芳草。
歡。棕。酒。添。愁。抱。舊。時。心。事。休。重。道。卻。憐。蕭。瑟。庾。蘭。成。如。今。也。向。江。關。老。

淚洗

川

寄卷



說

臨春閣續第六期

吳梅村遺著

第四齣

(淨上)黎弓果馬射花羊。捲伴娘兒絡索妝。新教藤牌陸隊長。羈縻州裏去支糧。自家巡夜把總爨阿四的便是。俺們平日詐的是搖戶。吃的是番船。受用慣了。勤甚麼王起來。半夜三更。提鈴喝號。好不辛苦。遠遠望見一個人來。好像老儂。且躲在一邊。聽他說話。(副淨)做甚麼事。做甚麼官。我老儂。央分出頂手。掙不出一個錢兒。今要差出去相殺。怎麼了。(淨)啐。天下揀不出這個騃子。你看女娘家出門。還要提領頭繫裙子。好一會兒。我本官。輒設設的身材。一道梅嶺。極少也。那延兩個月。那裏撞著隋軍。落得咱們討糧喫。騙官做。唱幾聲平安。啐罷了。(旦上)一盞安榴酒。三千藤子軍。珊瑚裝賜劍。流涕主恩深。探子報來。隋軍犯闕。聲勢浩大。我冼氏建牙用府。實叨闈外重權。況娘娘餞別賦詩。尤屬宮中異數。今日朝廷有難。妃主驚憂。若不顛沛勤王。怎笑他男兒誤國。昨日衙門起馬。今夜宿越王臺下。待來朝過嶺。星夜兼程。叫巡夜的。有幾吏天氣了。(淨副淨上)稟夫人。二更三點了。(旦)你們營門外巡警去。待我到臺上登眺一

回（淨應下）（旦）

（越調鬪鶴鶉）落木。天空。悲笳。夜永。廢壘。傳烽。寒雲。覆隴。鼙鼓。逢逢。邊聲。洶洶。俺這裏。信不通。他那裏。圍幾重。謊醒了。磕睡官家。驚壞你。風流愛寵。我想萬歲爺。終日沉醉。這些光景。張娘娘。一雙俊眼兒。有甚麼。瞧不出來。

（些花兒序）他雖在人兒裏。打哄圖個被兒裏。情濃索是意兒裏。玲瓏昨日個。臨春排宴。怎生般。酒醞花穠。匆匆爲甚的。執手臨歧。怨落紅。我曉得他。意兒了。說不出。君王。惜懂。猛見了。點點青山。蹙損了。淡淡眉峰。我心中。煩惱。一會兒。困倦起來。且到帳中歇息。一回。明日。打點人馬。過嶺去。（睡介）（小旦上）我一路尋來。過這重梅嶺。見一簇人兒。想不是隋家軍馬。大著膽。向前一看。呀。旗兒上。寫勤王二字。多應是洗夫人。枉是埋怨了他。原來見報急文書。星夜起馬。咳。那蕭摩訶。任蠻奴。一輩人。可是支持得住。待得你來救的。夫人。夫人。你縱有救主忠心。一些不濟事了。已到轅門首。你看旌旗整肅。鉦鼓嚴明。我陳家。還有這些人馬。可惜。是一天忠憤。那曉我萬種淒涼。向前去。把胸中冤苦。告訴一番。也顯得君臣知遇。生死交

情只是無限衷懷。怕到臨時哽咽耳。呀。星河黯淡。燈火青熒。刁斗三更。侍衛俱寢。原來爲軍事勞苦。假寐帳中。夫人張麗華在此。(旦)朦朧睡去。冷宰宰一陣旋風。瞥然驚覺。燈燭之下。忽見紅綉招搖。悄悄冥冥。淒淒默默。待我凝睛一看。知道是誰呀。好像張娘娘。(小旦)夫人。你可認得我麼。(旦跪介)臣妾不知娘娘降臨。有失迎接。(小旦扶旦起)如今時勢。不消行這個禮數了。(旦)這裏山川僻陋。路途遙遠。怎生天上掉得個娘娘下來。

(小桃紅)你身輕飛燕倚。簾櫳被巧風吹送。十二樓頭笛三弄。恰相逢。涼宵玉冷。紅絲重喚起。咱青眸爛爛認不出。半牀幽夢。一天香語。落空濛。(小旦作長嘆介)我有萬千煩惱。無人告訴。萬歲爺醉後。悄悄出來。步月到此。與卿一談。(旦)娘娘有甚心事不樂。(小旦淚介)夫人。你可曉得我的苦麼。(旦背介)娘娘意色淒其。形容憔悴。不知甚麼緣故。教我急切裏猜不出來。

(天淨紗)還記得携手處。遊遍芳叢。新詩句響徹絲桐。早難道才子多般命。窮也做到文章沒用。病班姬泣寫飛蓬。(旦)呀。臣妾猜著了。

(調笑令)似這等朦朧不語中。多應爲醉後羊車過別宮。(小旦)你還要說這樣話兒。

(旦)或者東宮殿下有甚災晦麼。如意長成閒拋送。(小旦)這個我也顧他不得。(旦)袁學

士怎不跟來。舊宮娃沒個相從。(小旦)低聲自語。搓玉蔥。早則說外邊人。大有圖儂。

(旦驚介)外面人那個不是娘娘臣子。誰敢道甚來。(小旦)你不曉得。左班官兒勢頭不好。便

說女寵亂朝。都推在俺一人身上罷了。(旦惱介)

(鬼三台)娘娘。你雖是風流種。世不曾將官家弄。耍則要閒談冷諷。老君王做啞妝。

聾好夫妻。耽驚受恐。知他從也。未必從便。從了那外邊官兒。同也。未必同甜話兒。把官

裏趨承轉關兒。將女娘作誦。(小旦)你曉得舊時游宴之地。玉砌雕闌。一旦都空了。(旦)怎

生道來(小旦)

(禿廝兒)臨春閣。暮雨淒涼。畫棟後庭花。做楚江。蕭瑟芙蓉歌。殘玉樹。聽曉鴻。少不

得綺窗外。又東風融融。(內作鼓聲。小旦怕介)這鼓聲想隋軍追來。俺家去了。青溪山下後

日相見。(旦)這是營中更漏。娘娘爲何心驚膽怯。一至於此。(把小旦衣袂留介)(小旦拂衣

竟下）（旦仍到寢處作驚起介）呀。張娘娘那裏去了。（老旦扮女侍上）這是營中。夫人纔打個盹兒。貴妃娘娘怎得到此。（旦）原來是夢。（老旦）夫人夢怎的。（旦）夢見貴妃娘娘長吁短嘆。眉頭不展。告訴許多說話。我正要問個明白。被鼓聲驚散了。

（聖藥王）山幾重。雲幾重。玉簫吹斷。落飛瓊。花影紅。燭影紅。杜鵑啼。血蘸殘。虹清露。滴梧桐。這個夢兆不佳。莫是京師有甚消息。叫左右傳問。轅門上爲何擊鼓。如有緊急文書。急

遞進來。（軍校上）聞得隋軍過江。陳兵不戰自潰。後主已降。張娘娘壞了。（旦）那裏有這樣事。召諸將進來。（小生末扮二將上）（旦）告急文書。到得三日。軍校所說。必是浪傳。差夜不收星夜打探去。（小生）衡州府有報警文書在此。（旦取看介）呀。這是真的了。（作問倒狀老旦扶起）（旦）（仰面大哭介）

（紫花兒序）娘娘阿。誰似你千嬌百縱。誰似你粉豔香融。誰似你斷燕驚鴻。我見了。芳心猶動。虧下的一點霜鋒。娘娘你死得其所也。索罷了。從容腸斷。琵琶曲未終。寄語那黑頭江總。還虧我薄命。昭陽點綴了。詩酒江東。（小生）聞得衆文武說兩位貴妃許多

不是(旦)都是這班人把江山壞了。借題目說這樣話兒。

(麻郎兒)他鎖著雕房玉籠。五言詩怎賣盧龍。我醒眼看人弄醉翁。推說道裏頭張孔(末)孔貴妃聽得也自縊了。(旦)這個還好。他兩人相處甚厚。此去阿。

(么篇)須與他女兒相逢。唧噥生折倒瓊樹青蔥。枉摔碎玉佩丁冬。活支煞翠娟雛鳳。就殺也罷了。把這樣人兒胡拿亂擁。豈不可惜。

(絡絲娘)密扎扎刀鎗沒縫。冷清清茶飯誰供。一個人兒厮葬送。君王呵。做官家何用。

(東原樂)娘娘你恨血千年痛悲歌。五夜窮便算是有文無祿。做個詩人塚消不得。一碗涼漿五粒松。誰是你魂飄凍。止留得女包胥向東風。一慟(稟)夫人。轅門外有個老僧。

投書一封竟自去了。(旦取書看)是一首詩。青溪山下講筵開。指點無生有夢來。萬里還歸張女廟。三軍休哭越王臺。廬山智勝題呀。智勝是青溪女郎廟講經的禪師。他棒下玄機。詩中大意。前身夙命明明拈出。就是娘娘夢中也說是青溪山下相見。咳。若非三生因果。怎能彀千里。

追尋這段機緣。不消說起了。

(錦搭絮)洞庭波湧五嶺雲封。噫噫幾行征雁。昏昏慘慘幾樹青楓。他血污游魂。怕曉鐘。除非是神女蘭香。有夢通我也認不出。兩跡雲踪。待折那後庭花。問遠公。各營將官軍士都來。你們隨我多年。指望替朝廷出力。博個大小功名。不意事勢至此。空費了一番辛苦。隨征錢糧數十萬。盡數散與諸軍。有思想家鄉的。另圖官職的。各聽自便。我入山修道去了。(雜)衆人死生從夫人。若欲分散寧可死於夫人馬下。(又稟)軍士得令。滿營大哭。(旦)我費十數載辛勤。收拾這枝人馬。豈忍一朝散去。只是張娘娘待我厚。今見他國亡身死。不能相救。我有何面目。復立三軍之上乎。吾計決矣。

(拙魯速)娘娘呵。往日裏淚溶溶說著了。氣沖沖恨文武無人効忠。怕敵軍將來緊攻。保奏我掛印元戎。趕不上保駕頭功。要咱們女娘何用。依先是男兒伯仲。(小生)既然夫人主義已定。我們求小將軍做主如何。(雜)說得有理。(旦笑介)你好意兒把俺世征南小將從。這是衆人好意。不能相忘。任憑你們罷了。(旦解甲嘆介)咳。我六州節度使還家。

去做個老嫗。豈不可嘆。

(尾)俺二十年嶺外都知統。依就把兒子征袍。手自縫。畢竟婦人家。難決雌雄。則願你決雌雄的。放出個男兒勇。(下)

(完)

襍著

李健題



燕葉紀程續第六期

倭良峰遺稿

五月初一日。哈密宿。七十古伊吾廬地。漢置宜禾都尉。爲屯田兵鎮之所。晉置宜禾縣。後魏置伊吾郡。唐改名西伊州。後稱伊州。五代稱胡盧磧。元封族子忽納失里爲威武王。卒。其弟安克帖木兒立。明永樂四年。安克遣使朝貢。改封忠順王。建哈密衛。後爲吐魯番所有。國朝定鼎。四裔咸賓。回部伯克額貝多勒拉於康熙五十三年內附。居哈密。嗣以擒獻準噶爾逆酋。授一等扎薩充郡王。編旗分視蒙古。世效忠款。此地爲新疆門戶。天山橫亘其間。南北兩路。由此而分。由哈密循天山之南。迤邐西南行。爲吐魯番、喀喇沙爾、庫車、阿克蘇、烏什、葉爾羌、和闐、英吉沙爾、喀什噶爾。是爲南路。吐魯番歸烏魯木齊都統統轄不在八城之內由哈密逾天山之北。山名庫舍圖達坂譯言碑嶺唐姜行本紀功碑在此迤邐由北而西。爲巴里坤。距哈密三百餘里古城。烏魯木齊、庫爾喀喇、烏蘇塔爾、巴哈台、伊犁。是爲北路。漢書西域傳載南道、北道。皆在天山以南。今之所謂南路、北路。則合天山以北而中分之。總屬於伊犁。由哈密南至南湖廿里外。俱戈壁。辦事協辦二員駐守。住一日。

初三日。頭堡宿。七十環堡流泉。饒有清致。初四日。三堡尖。六十鴨子泉宿。七十初五日。瞭墩宿。

八十里 戈壁 住一日。

初六日。夜行百二十里。至芨芨草子。入巴里坤界。此為小南路。既避十三間房在之風。又免橙槽

溝山路之險。且近兩站。誠捷徑也。惟台店俱無。苦乏歇處。初七日早晨抵此。午後復行百二十里。

宿胡桐窩巴里坤界山。席其草一名塞蘆即漢書西域傳之白草西域處有之今人或用以為

之地名胡桐窩或疑為烏巢改為鵝鴨窠誤矣水道記云

初八日。鹽地宿。十里。入吐魯番界。

初九日。夜行百二十里地。窩鋪少憩。復行六十里。次日宿七格騰木。有田廬民舍。水泉一道。溉田

數十頃。自胡桐窩十三間房至此春夏多怪風名風戈壁明史稱為黑風川

十一日。關展宿。九十里通鑑作皮市廛櫛比。闐闐雲連。東南為古樓蘭。今皆戈壁。唐名莫賀延磧。

宋名大患鬼魅磧。十二日。連木沁宿。里。十三日。勝金台宿。里。數十里黍油麥秀。村墟演劇

酬神。居然樂土。

十四日。宿吐魯番。百一十里中有漢車師前王庭。戊己校尉屯田之所。後王庭在烏魯木齊名庭州。地勢高燥。

故名高昌。唐為交河縣。乃西州交河郡之屬縣。非郡治也。唐宋稱吐魯番。元明稱吐魯番。一名土爾

番。唐咸亨以後。世爲回紇所據。國朝雍正初年。回酋額敏和卓避準噶爾侵擾。內徙瓜州。乾隆

十九年。以從征有功。封郡王。城名廣安城。西二十里雅爾湖。爲漢交河城。唐西州城。東百里哈

拉火卓爲元火州。元史地理志作合刺火者。又東五十里魯克沁。東漢之柳中城也。領隊一員

駐守。原駐關展滿兵五百名。漢兵三百三十名。西北界烏魯木齊。越博克達山五百餘里西南界喀喇沙爾。東界

哈密。東北界巴里坤。東南界所屬羅卜淖爾。五百里按羅卜淖爾即蒲昌海出崑崙虛周圍數百

山消融之水停而不流。潛行地中。東南一千五百餘里至青海境之噶達素齊老復出爲星宿海。名鄂敦淖爾。蒙古語鄂敦星也。淖爾海也。即元寧一千餘里。或史所稱火敦腦兒。即星宿海。非是。

回語羅卜匯水之區也。一曰渤澤。一曰鹽澤。又曰牢蘭海。

十五日。夜行六十里。大燉尖。距布幹台五里十六日。宿托克遜。六十里

十七日。蘇巴什台宿。八十里入喀喇沙爾界。亂山之中。僅有軍台一所。台對一山。石骨沙膚。高數十

仞。勢極陡絕。回人履沙而登。至絕。巖挺身直下。爭先鬪捷。以爲戲。疾如飛鳥。一瞥到地。台東北

廿里名蘇巴什溝。怪石崢嶸。纍纍塞路。石上書西臣賢否。或美或刺。刺多美少爲戍卒口碑。毀譽固難

憑。然人言亦可畏哉。

十八日。阿哈爾布拉克宿。八十里軍台面山。如蘇巴什。山純石無沙。高峻過之。

十九日。山行六十里。桑樹園尖。只桑一株又廿里出山。七十里戈壁。庫木什阿哈瑪宿。清流映裾。柳陰在地。裴、裒、瞻、眺、足、滌、塵、襟。回語庫木什銀也。唐人謂之銀山郭。孝恪率步騎三千出銀山道是也。

二十日。六十里戈壁。又三十里山溝路。溝中歷歷多榆。名榆樹溝。回語喀喇河色爾軍台宿。

二十一日。新井子尖。九十烏沙他拉宿。八十里回語烏沙柳樹驛舍。東北約半里有密爾岱山石。三者青重萬斤。次葱白八千斤。小極白三千斤。嘉慶四年西臣將以入貢。以其勞人罷之。書曰。不寶

遠物。則遠人格。聖德昭千古已。蟬鳴草際。質小色黃。惟此站有之。

二十二日。特伯爾宿。一百漢焉耆治員渠城。唐時自烏沙他拉西南至員渠。不過百里。當在此。

二十三日。喀喇沙爾宿。回語喀喇黑也。沙爾謂城。以城久色黑故名。九十里。古焉耆危須二國地。辦事一員駐守。漢兵三百

三名。城名協順。道光八年辦理善境內有土爾扈特和碩特駐牧。毳幕穹廬。與回花門回錯。按準

四衛拉特者。綽羅斯部都爾伯特和碩特部土爾扈特部四衛拉特。猶言四大部。元脫歡太師

乃其始祖。綽羅斯部是為準噶爾。崇禎時土爾扈特為準噶爾所逼。投入鄂羅斯境。乾隆三

十五年。其汗渥巴錫率其部落由鄂羅斯投誠。內附。賜爵。分授收地。南部落四旗。在喀喇沙

爾北部。落三旗。在塔爾巴哈台東部。落二旗。在庫爾喀。烏蘇。西部。落四旗。在品河。又按準噶爾

西南界庫車。南阻沮洳。

褚廷璋詩。風雨猶疑鑊騎屯。至今沙磧有遺痕。焉耆鎮啟龍庭遠。唐設焉耆

都督都護城懸烏壘尊西境為漢烏壘城都中弓挂輪臺飛皎月西有地名玉古劍磨蒲海射晴曦

南五百餘里東戍樓高處分襟帶山水遺經費討論曹麟開詩磧路當年關復迷幾多折戟沒

沙泥唐史焉耆王龍突騎遣使來朝云自隋亂磧路閉故取道高昌請開磧路通考沙州刺史楊宣兵次鍊門其王熙邀于烏壘威宣突騎西唐都護郭孝恪執其王突健水一

遮留谷宣遣將探之伏發擊平之熙乃降烏壘威宣突騎西唐都護郭孝恪執其王突

支吞海關城西五里回峯四面抱城低四面皆山祇今西域徵遺傳笑說豐碑勒月氏唐阿史

禽其王那支勒石紀功住三日

二十五日渡開都河俗名通天河瀾漫廣三里玉沙如綿澗洄縹碧東北流瀦為大澤曰博斯騰

淖爾夜行百一十里至哈爾哈拉滿準語謂道路入庫車界走水達坂濤聲殷雷頓忘炎暑水道

記云博斯騰淖爾水自西南溢出流數十里經開都河之南又西南行百里折而南入山經哈爾

哈拉滿軍台危磯吞吐駭浪滿湃聒耳眩目凜乎可怖不誣也廿里山路崎嶇即古所謂遮留谷

又十里宿庫爾勒回語觀望也地形軒敞可供眺覽

二十七日宿喀喇布拉克七十里二十八日宿庫爾楚一百里準語忌諱之詞地

二十九日野人溝尖一百里深林密菁云有熊虎策達雅爾宿六十里一作策特爾回語

六月初一日。洋薩爾宿。六十里。相傳此臺有柳樹泉。地近雪嶠。河汶紛歧。

初二日。布古爾宿。一百里。一名玉。古爾敵。臨陣奮勇。東有葦湖。湖上一橋。為西人回疆要津。此外別

無路徑。漢書所載。土橋之險。是也。見伊犂總統事略

初三日。過喇依素河。俗誤呼謂渭干河濟不濡軌。馭車經涉。宿阿爾特。一百里有數

初四日。夜行遇風。天黑如墨。幸戈壁路平。尙無顛覆之患。腰站少憩。七十宿託和爾。七十

初五日。庫車宿。六十里。一名柳陳。又名魯陳。元史作庫徹庫。謂此地車謂魯井。地有智城名鞏平。

辦事一員駐守。漢兵三百二名。西北界伊犁。西南界阿克蘇。東北界喀喇沙爾。東南阻沮洳。褚

廷璋詩。龜茲。音秋古鎮白雲中。都護安西此倚弓。庫車為漢龜茲地。唐貞觀中。置安西都護。統于闐碎葉疏勒四鎮。儀鳳時。吐蕃攻沒四鎮。長壽

中王孝傑破吐蕃。仍復四鎮。置都護以鎮騎三萬。鎮守龜茲。按于闐即今和闐。碎業在伊犁。河西今伊犁。河西之水最大者曰圖斯庫爾。即碎葉舊蹟也。疏勒見前。終古名疆開廣

利。廣利師將軍李何年別種徒。鎔沖。史記天方國。錫沖之狐窺計水。春流碧。按水道記。厄爾斯河

沙雅爾城。南北折有渭干河。來匯又東流為塔里木河。又云于闐城北有大水。名樹枝水。即黃河

也。一名計水。此詩所謂庫車南有塔里木河。又云于闐城北有大水。名樹枝水。即黃河

十里。沙雅爾在庫車南百八。鶻起田山夜。火紅山為古阿羯田山。聞說龍驤西下日。征回第一有奇

功。大兵初征回第一戰。遂叨天佑。威遐荒。住二日。

初七日。夜行四十里。過鹽水溝。兩山相夾。險要可扼。初八日。赫色爾宿。一百六十里。唐書地理志載俱毘羅磧。卽此也。有

赫色爾河。發源於額什克巴什山。經軍台。亦入渭干河。此渭干東源也。渭水道記

初九日。賽里木尖。四十里。卽地理志之俱毘羅城。回語安適也。入阿克蘇界。拜城宿。八十里。爲古姑墨地。卽地理志之阿悉言城。回語富厚也。

初十日。過札木特河。河分三支。東一支。經賽里木。東西二支。經拜城。西距拜城二十餘里。入渭干

河。按水道記。渭干源於穆素爾河。西南流。經瑚斯圖托海軍台。又南經圖巴拉特軍台。又東南經

滴水崖沙磧。北又經拜城。賽里木之南。南流。有赤色爾河入之。過沙雅爾城北。又東入塔里木河。隨地異

名。曰木咱拉特河。曰西川水。曰鄂根河。鄂依斯塘換馬。四十里。察木齊克宿。八十里。察木齊克之西

三十里。爲滴水崖。皆沙磧。唐書西域傳。自龜茲。逾小沙磧。謂此也。產銅。名楚午哈山。

(未完)



臚背集續第六期

退廬居士

萬木森森繞帳廬。郊壇日落燒痕枯。燕雲一割歸無日。易水寒生督亢圖。

天壇周十里。草木叢茂。狐兔縱橫。平時人跡所不到。敵兵入。緒其地爲營。城內外各分地據守。入永定門以東。北至東珠市屬英。永定門以西。北至驟馬市屬美。自正陽宣武崇文三門。抵英美界屬德。內城則日據四牌樓以北。俄奧法義分據其南。各設官管理民政。天津以都統署爲聯軍政府。分設八部。一總理部。二巡捕部。三考驗身體部。四戶部。五辦理公私業產部。六武備部。七刑部。八糧餉部。近京數百里鐵路。西南至保定歸法。東南至陽村歸英。東北至山海關俄據之。

祖龍銷盡咸陽鐵。大索還因博浪椎。父老苦秦苛法久。收京日夜盼王師。
敵軍禁民間私藏兵器。縱兵大索十餘日。犯者殺無赦。

美人深坐鬱金堂。瘦盡蘼蕪草不香。生怕妬花風信緊。容光消滅帶啼妝。
敵兵藉搜查軍器爲名。白晝入人家。倒篋傾筐。各飽所欲而去。婦女輩皆蓬首垢面。自毀其

形以防不測。

朱家結客散黃金。酒後論交一片心。末路慘遭文字禍。空餘一劍作龍吟。

王五字子賓。慨慷負氣。好任俠。朱家郭解之流也。養死士數十人。往來山東河南兩道。盜賊懼其名。皆相戒不敢犯。安維峻以直諫謫新疆。貧甚不能就道。子賓解千金贈之。黃思永下獄。傾貲極力營救。得無死。拳匪初起。都人避亂南歸者。都賴其保護。世皆稱其好義。子賓既爲世所重。有故人獻策攻交民巷。附子賓名留其稿於家。爲敵兵所得。遂擊殺之。

國祚將移必有妖。尊前流涕聽童謠。百年文物銷沈盡。相宅淒涼賣賜貂。

都城未破之先。民間有南北通鐵路長。大清亡。中國強之謠。識者知爲不祥。

承平時。衣冠貴族爭以奢侈相尙。凡四方珍貴可愛之物。悉輦致都下。亂後物皆無主。諸貴宅大半逃亡。鼎彝圖書。充積市上。有人於南橫街見一紫貂。出番銀十餅鬻去。額相國家中物也。

五百童男護禁松。景陽宮漏閉銅龍。惠妃顏色凋零盡。深坐雲屏哭穆宗。

日本初入城。卽分兵防守宮禁。宮中死亡逃逸外。食指尙千人。皆日軍供給之。太后出巡時。

珍妃死。瑾妃從。惠妃留宮。惠妃者。穆宗妃也。素饒機智。太后甚重之。時宮人無所稟承。共推妃爲主。妃保守國璽。約束閹宦。並遣使致謝。日將柴五郎措置。皆有法度。

萬家燈火散樓臺。擁篲迎門事可哀。沾盡虎坊橋畔酒。東洋車子疾如雷。

夷法。每各戶懸一燈。天明乃滅。夜闌燈盡。聽敲門聲。雖大風雨必起。門首塵穢。必灑水除治。極潔。居民旦夕倚門。遙見洋巡捕至。皆篲擁以待。稍懈。鞭朴隨至。美國兵官居虎坊橋湖廣會館。地最繁盛。多酒館。橋上東洋車往來如織。京堂以上皆乘之。

兵火餘生數劫塵。尊前語難目微瞋。彎弓欲報誰家怨。苦恨清流毒縉紳。

德國繙譯官柯達士。初隨公使居使館。克林德之被戕也。達士半途逸去。飛彈及其左肩。倖不死。德兵入。以達士爲本界知府。達士親見克公死事之慘。又圍困交民巷月餘。醉後橫刀。憤激之心。時時見於辭色。凡軍士縱酒淫亂。鞭撻路人。悉縱之。勿問。當時公卿被辱者。倉場侍郎某爲之浣衣。刑部侍郎某爲之舂土。御史陳某爲之御車。鄭某爲之判馬草。或曰軍士誤執。或曰達士有意爲之。

污命夷庭事可悲。咸京無復漢官儀。朝天夢冷宮槐落。腸斷王維七字詩。

美提督戴麗生用副都御史曾廣鑾侍讀學士黃思永侍講學士惲毓鼎道員王權爲理事官。四人惟毓鼎最專夷酋亦傾心倚任。後疑其侵蝕房捐。始稍稍疏之。

紫光閣。刻雙觚。褒鄂鬚眉冷。畫圖側帽揚鞭馳。輦道無人知。是霍家奴。

紫光閣功臣畫像多爲敵兵竊去。或剪以糊壁。禁城自大清門馳道直入午門。端門車馬往來無禁。廝養皂隸日馳騁其間。意揚揚自得也。

胡服翩翩宴碧池。金樽檀板不勝悲。白頭老監談天寶。太液淒涼罷水嬉。

美提督宴諸酋於粵東新館。徵集各部名優。極一時歌舞之盛。都城未亂時有茶園七所。諸樂部逐日奏伎。其來自陝西者作秦聲。謂之邦子腔。來自湖廣者作楚聲。謂之二簧。兵變後茶園皆燬於火。諸弟子負時名者零落無歸。至倚門乞食。

遊徧江湖氣未平。窮愁虛負著書名。驚心虎口餘生在。悔入咸陽作客卿。

美人丁韞良通中文。善著書。游中國二十餘年。歷充同文館大學堂教習。賞頭品頂戴。使館被圍。韞良亦在圍中。後歸上海。故人聞其來。爭以酒果相慰勞。韞良細述被難始末。甚切齒。諸滿員因倡言曰。滿洲之入中國也。兵分八旗。今我八國之兵。其國旗亦猶是也。天道好還。

不急取後悔何及。是時和議尙未成。奕劻在京師。聞其言大懼。

日縱構捕夜狎娼。燕姬調笑勝吳釀。重尋東閣留賓地。搖落西風萬柳堂。

曾國藩官翰林時。與唐鑑、倭仁、何桂珍、吳廷棟、寶璋諸賢相聚講學。因以暇延訪人才。考究歷朝政治得失。蔚成將帥之器。近世京朝官一無所事。好酒食。游宴工結納。或招朋聚賭。作狎斜遊。其下者奔走達官之門。夤緣求進。貴介中愛骨董書畫。標榜稱名士者。已不可得識者。知其必釀大亂。

萬柳堂爲康熙時大學士馮溥延賓地。鴻博諸儒嘗宴集其中。今瓦爍荒涼。鞠爲茂草。只餘破屋數間。易名爲拈花寺。

新膽君臣患難秋。受人一跌汝何尤。尙書更比宮詹辱。徒跣雞斯作楚囚。

詹事李昭煒避難京南。有旨命署戶部侍郎。乃奔回其鄰。居童子戲以瓦爍擲入。俄將行臺俄人大怒。誤執昭煒。答之昭煒。訴於李鴻章。請移文詰責。鴻章寬慰數言。怏怏而出。竟無如何也。禮部尙書啟秀初聞五臺僧有異術。薦於朝。令畫策攻交民巷。日人知其謀。執而囚之。旋遭母喪。給假十日。縱之回。啟秀見奕劻泣涕哀訴。奕劻以死節諷之不從。假滿復從容就。

執。

月照秋梧葉葉霜。禁庭雙宿野鴛鴦。韋娘半老風情在。十斛明珠負石郎。

蘇妓曹夢蘭。以色藝冠絕一時。兵部侍郎洪鈞奉命使德奧。道出上海。以七千金購爲侍姬。挾以西行。寵之如嫡室。西人亦以夫人禮待之。嘗與柏林公譙與威廉第二。后攝一小像。見者皆爲之傾倒。侍郎使還。不一年遽卒。夢蘭盡竊其貲。隨一僕逃歸上海。僕旋以瘵死。再入樂籍。更姓名爲賽金花。久之復還京師。諸貴人輳集其門。有藉之以通聲氣者。各使館隨員多與之交好。春初拳匪未亂時。公使循例入賀。擬假金花西服僞爲公使夫人。內廷微有所聞。遣許景澄。峻拒乃止。瓦德西佩八國兵符。僭居儀鸞殿。召金花入宮。與同臥起。如夫婦。金花居柏林久。通曉德意志語言文字。是時年已三十。顏色姣艷如初。游泰西時。其裝束雜采中西服飾。以新法改之。奇詭出人意表。瓦德西返國。亦邁疾。幾死。

幽州西望古桑乾。嗚咽河聲骨未寒。莫恨長平坑趙卒。他年報怨在新安。

通州良鄉皆拳匪巢穴。敵兵發巨礮聚而殲之。良民冤死無算。

剪葉曾分玉牒光。不應被髮學佯狂。八王燼息胡雛入。坐使淵聰據洛陽。

奕劻爲諸王所軋。以韜晦免。始拳匪事起。英使詣總署。請以兵助剿。奕劻婉詞卻之。退而語載漪。載漪曰。暴腐鼠於庭。招集無數。蠅蚋其總署之謂矣。欲遂撤之。奕劻不從。然畏其凶。謹爲之備。遇事皆不敢爭。後隨駕入山西。太后恐追師西逼。命回京議和。王與李鴻章外結好。諸酋內撫綏百姓。一切以靜鎮之。諸臣避敵逃散者。稍稍復集。人心始定。

一。同。蒼黃。棋劫。死。官家。養賊。成驕子。琅璫。驛上。聞鈴聲。射殺妖狐。血痕紫。

朝廷辦義和拳。詔書前後反覆不類。一人一時所爲。始曰亂民。令中外發兵捕之。已聞諸匪勢甚。陰以權術籠絡。練爲鄉團。又曰團民。曰拳民。旣而載漪用事。倡議主招撫。直以義民呼之。前奉詔討賊。若聶士成。梅東益。諸人皆得罪。及北都淪陷。乘輿播遷。太后恨義和拳刺骨。御駕經介休。團目郭攸源。跪謁道旁。命斬以徇。並責縣官。陳曰。穉剿辦不嚴。削其職。於是。指義民曰。拳匪。復令梅東益。剿匪於滄州。呂本元。何永盛。剿匪於河間。又剿於獻縣。又剿於景州。諸匪徒禽斬畧盡。不復能蠢動矣。

覺羅亦是天家胄。頸血糝糊濺。范陽銷卻八州都。督印鳳臺悲殉。莫姑娘。

法兵下保定。英德繼之。藩司覺羅廷雍。以牛酒犒師。郊迎十餘里。法帥曰。方伯何前踞而後。

恭也。因詰雍何故縱匪。雍曰：此朝廷意。雍不敢違。法帥怒曰：中歷六月二十五日。有詔令各省護教堂。不唯不護。又執吾教士而殺之。此亦朝廷意乎。顧左右曰：清律不遵朝旨者何罪。左右曰：當斬。叱軍士。卽座中曳出斬之。梟其首。狗於衆曰：無或如廷布政之抗違君命。誤國殃民。副將王占魁。城守尉奎恒。均同日誅死。械梟司沈家本。至天津對簿。令保定知府輸十萬金贖罪。廷雍詔事諸王。由長蘆運使驟遷直隸藩司。裕祿死。兼權督篆。方自請剿匪。以節前過。而不虞敵兵之遽入也。初。法有女士曰莫姑娘。遊保定。爲拳匪支解。瘞鳳皇臺。廷雍勿能救。故法人尤恨之。

法學卮言

但 燾

縣大郡小

余曩在日本。見其制度。縣大郡小。疑爲不倫。及讀杜氏通典云。周官有縣正。各掌其縣之政令而賞罰之。春秋時列國相滅。多以地爲縣。則縣大而郡小。又周官作雜篇曰。分以八縣。縣有四郡。是郡固隸於縣下也。

法術

新論。術藏於內。隨務應變。法設於外。適時馭人。審是法者。判官所操以決事。今律以斟酌之權予之判官。誠有見乎此也。術者所以因時勢之推移。範圍民志。其曰適時者。法無盡善。盡美之域。以適爲得耳。孰爲適。孰不適。一以時宜爲準的。其曰馭人者。法爲人而設。非爲物而設。如虎食人。爲警吏射斃。此不得謂依法治虎以殺人罪。是其例也。

史

周官史以獄成告於正。按史視今檢察官。而正視今推事。蓋檢察官搜集證佐齊集。請於推事依

律斷之也。

立法權

記曰非天子不制禮。中國古時禮與法疆域不分。孝經云非先王之法服不敢服。非先王之法言不敢道。唐玄宗注。釋法爲禮法。此言非天子不制禮。與今日本憲法立法權屬於君主同。

領土

春秋鄭伯以璧假許田。穀梁傳曰。非假而言假。諱易地也。禮天子在上。諸侯不得以地相與。是爲領土屬於主權之證。

要

周官辨其獄訟。異其死刑之罪而要之。注要之謂其罪法之要辭。如今之劾。左傳疏。漢世名斷獄爲劾。案要與劾。卽今之判決也。

期外不聽

周官期外不聽。注若今時徒論決。滿三月不得乞鞠。與今律時效消失無訴權者同。

八成

周官士之八成。注。鄭司農云。八成者。行事有八篇。若今決事比。疏。凡言成者。皆舊有成事品式。後人依而行之。決事依前比類決之。按決事比。卽今日大理院之判決例。

冢宰

尙書曰冢宰掌邦治。統百官。周官曰太宰掌邦之六典。以佐王治邦國。是冢宰太宰當今各國之總理。後周文帝依周禮建六官。遂置周官大冢宰卿一人。掌邦治以建邦之六典。佐皇帝治邦國。自隋而無惜哉。

質成

禮司會以歲之成質於天子。冢宰齋戒受質。質於百官。百官各以其成。質於王官。王官以百官之成。質於天子。然後成歲事。國用。注。歲事。歲計也。計一歲之用。是古之豫算。亦須經主權者裁。可始有效也。

權利

後漢書桑弘羊難文學云。夫權利之處。必在山澤。今縱人於權利。羅鹽鐵以資強暴。遂其貪心。衆邪羣聚。私門成黨。則強禦日以不制。而并兼之徒。奸形成矣。弘羊之說。洞達治體。而後人非之。何

也。

富壽

家語哀公問政於孔子。孔子對曰。政之急者。莫大富且壽也。案今各國執政者。其爲政旨趣不外使民富且壽。各國憲法各歧。然其重生命財產之處。則出一轍。孔子一言其利溥矣。

吏帶劍

日本文官得帶劍。今民國外交官亦帶短劍。案秦紀簡公六年。秦初令吏帶劍。是秦制已然矣。

趙惠文后與明太祖

趙惠文后問齊使曰。於陵子仲尙存乎。上不臣於王。下不治其家。中不索交諸侯。此率民出於無用者。何爲至今不殺乎。論衡非韓篇曰。堯不誅許由。唐民不皆巢處。武王不誅伯夷。周民不皆隱餓。魏文式段干之閭。魏國不皆闔門。何則。清廉之行人所不能爲也。賞須功而加。法待辜而施。誅不仕未有罪之人。非也。其後明太祖韓官民過犯爲大誥。凡寰中士大夫不爲君用。其罪至抄劄。智乃與婦人墀。明祖起家無賴。雖有光復諸夏之功。士夫不樂立其朝。乃設嚴刑以毆之。后此律亦不用。

唐之額外宰相

唐時宰相。既有左右僕射。又有侍中、中書、尚書兩令、左右丞。以官未及而人可用者參預朝政。近人有主設不管部國務員者。卽是此意。

唐宰相兼他職

近時各國國務員多兼他委員會之長。唐時宰相有兼節度使、大學士或鹽鐵轉運使者。其用意相同。

承宣布政使誥

明清布政使一官之沿革。余已著於裁道設府議中。余在日本時於坊間搜得明太祖文集一本。署曰高皇帝御製文集。其文俚俗紕謬。不可曉之處甚多。蓋明太祖自草不假手。詞臣者讀其文。可想見其人。茲錄其承宣布政使誥於下。以備逸聞。亦掌故家所不遺也。

昔者二帝三王之設官也。爵分五等。列國天下。使守其土。子其民。世世祿給焉。惟周諸侯不法。爲秦所有。秦監周事。遂罷列國爲郡縣而治之。斯法也。制也。自漢承而行。唐宋皆然。元蹈中國體之然也。此句費解郡縣之多。實宇之廣。其中書不能一一總其事。又設方面大臣流其職。

理方隅之務。所職之名。漢曰州牧刺史。唐因之。宋改而曰安撫。元亦改名曰行省。此皆歷代總郡邑而專方隅者也。邇來朕有天下。更行省爲承宣布政使司。所以承者朕命也。宣者代言之也。布者張陳之也。所以政者。軍民休戚。國之利病。所以使者。必去民之惡而導民之善。使知有畏從。於斯之職。可不重乎。若非其人。則方隅之軍民。失所仰瞻。若得其人。則方隅之事。軍足食。民樂耕。其繆寡孤獨。不失其所焉。不但如是而已。則朕雖非才。德必張矣。國家磐石矣。朕於斯廣訪多搜。人皆愚下之愚。稱朕之意者杳然。今某處承宣布政使司缺某官。爾某歷事有年。僉曰。可。朕特授以某處承宣布政使司某官。往欽哉。

夫曰布政使。已可賅括。而必於其上贅以承宣二字。其所疏承宣布政使之義。尤紕謬難曉。與考
生之作搭題四書文無異。其他制誥辭義難曉。更過此篇。他日當別錄之。

平準法

漢桑弘羊領大司農。作平準之法於京師。令遠方之物如異時商賈所轉販者爲賦。盡籠天下之貨。物貴則賣之。賤則買之。使萬物不得騰踴。民不益賦。而天下用饒。此法可用以救荒。近日歐土交易所賣賤買貴。頗有平準法之遺意。中國效之。則爲陷人之阱。弘羊在當時已叢怨。卜式至謂

烹弘羊。天乃雨。雖有良法。不以至公之心行之。未有得人諒者。自昔已然矣。

沐浴法

考試嚴搜檢之法。宋爲甚。金史太和元年。省臣奏搜檢法太嚴。裂衣袒體。非待士之禮。請設一沐浴所。命諸生浴。官爲製新衣著之。以防夾帶。今各國監獄。於入獄囚徒。多用此法。前清禁煙公所亦然。

聽獄之法

聽獄之法。爲今日學校所不詳。外人業偵探者。多習其術。書言五聽之法。經生所不解。晉書明法掾張斐上所注新律表有云。夫刑者司理之官。理者求情之機。情者心神之使。心感則情動。於中而形於言。暢於四支。發於事業。是故奸人心愧而面赤。內怖而色奪。論罪者務本其心。審其情。精其事。近取於身。遠取諸物。然後乃可以正刑。仰首似乞。俯首似奪。捧手似謝。擬手似訴。拱臂似自首。攘臂似格鬪。矜莊似威。怡悅似福。喜怒憂懼。貌在聲色。奸真猛弱。候在視息。出口有言。當爲告。下手有禁。當爲賊。喜子殺怒子。當爲戲。怒子殺喜子。當爲賊。諸如此類。自非至精。不能極其理也。清汪輝祖言。治獄以色聽爲先。情虛者。良久卽眉動。而目瞬。兩頰肉顫。不已。出其不意。發一語詰。

之。其真立露。特記之以告法吏。

據文書讞獄宜慎

今法吏讞訟。倚證人證物爲重。而文書尤所置信。汪輝祖言嘉湖吏多宿蠹。有絕產告贖者。業主呈契請驗。吏挖去絕字。仍以絕字補之。問官照見絕字補痕。以業主爲挖改。竟作絕產斷贖。致絕主負冤莫白。此則法吏所當矜慎者也。

書坊禁例

清學政全書卷十四有書坊禁例。康熙二十六年所諭禁書籍。凡一百五十餘種。除淫詞小說外。有託名僧道。刊刻語錄方書。稱祖師降乩等。亦在查禁之例。先是順治九年並禁濫刻窗藝濫稿。其後乾隆時則刪節之經書。及小本講章。與夫坊間射利編輯之書。如童蒙易知。童子升階。一說曉。三十藝。二十藝。通套鄙陋。隨題可抄之書。皆予銷燬。今日淫書穢曲。層出不窮。報紙公布。恬不爲怪。爲風俗人心計。書坊禁例。所當急爲制置矣。

別錄

樹蔚



國壽錄

吳縣潘氏鈔藏本

潘氏淵古樓編輯例言

一、原本屬樸園先生手稿。草聖縱橫。加以塗改。幾不可辨。息心尋繹。僅能依約得之。錄過校勘。頗至挂漏。吾知免矣。而魯魚亥豕。當復多多。訂正之功。以俟君子。

一、原本分裝十帙。其敍國初勳貴及仙釋方技諸傳。約居其二。知先生初旨。固欲成一代全史。非僅表章鼎革諸公也。第錄名乃先生自定。此二帙與名未符。且使後人閱之。反生不全不備之憾。敢竟逸之。

一、先生隨筆直書。於四朝人物。前後雜亂無次。且中間間附數行。或標隻句。義無聯屬。當是意之所觸。偶爾記出者。正苦刪之可惜。錄之無名。於後得一帙。先生大書於首。曰便記。則諸紀在焉。因依類附入其中。諸傳并爲次序。庶幾先後秩然。雜紀諸篇。原本止標稱節。死雜紀。而議雜紀。見他端咸混載。今分輯爲三篇。更爲奏聞雜紀云。

一、南陽伯李元胤從容就義。與何中湘差堪頡頏。傳初在便記中。今改列錄內。江南之失一篇。

則又自錄改入記也。蓋楊維垣之死。平寇志謂其僞題空棺。張捷之死。國權稱爲選人逼盡。事存疑信。入記良宜。題字則鄙意所妄易也。若記中李成棟。儼然殉國矣。顧其始手殺唐帝。晚節詎足蓋愆。故置之。進其子而黜其父。非爲悖矣。

一、便記攀髯疑案。江陰疑案二篇。原本亦列錄中。標題固曰襄城伯李國楨傳。中書戚藩傳者也。今考諸書。類稱國楨。屈身闖逆。被夾折脛。辱極自縊。且其人庸鄙誤國。此等偉烈。無論實事難能。政恐夢想未到。舉而歸之。亦太不倫矣。至戚藩顯登新朝中臆。節死之謬。尤不辨自明。如傳所云。令九原有知。不反顏惡耶。則曷爲不削之。曰此二事者。當時要自別有其人。特湮沒不傳。遂以訛傳誤耳。今既知其非李與戚也。雖其人不可考。而使人聞其事。想見其爲人。而爲之低徊感歎。亦足不朽矣。且傳其事。庶或終知其人乎。謹標之爲疑案。世有博識者。將質成焉。

一、仗義而不死。及死而不得其姓氏者。皆自錄移入便記中。唯女子不在此例。以錄中本屬寥寥。且以之感激鬚眉。尤宜恕觀故耳。

一、諸雜紀所載。或錄中有本傳者。輒移附傳後。逸事可以補闕。兩說亦可傳疑。

一、原本有字體模糊及蠹殘墨漬。皆空之。如年月地名科分。原虛以待考者。加○以別。或爲□者。則諱莫如深也。

一、先生書法多作破體。間有舛誤。當屬筆綻。謹於眉間標出某字疑當作某。未敢妄易。致蹈金根。

一、錄中有一人兩傳。分見數帙中者。大都一屬初藁。一屬定本。輒彙爲一篇。錄定本於前。而以初藁降一格附焉。自雜記移附者亦如之。間存鄙見。或援述他書。則降格雙行。示別也。原註則雙行而不降格。且另書原註字。外加□。務求一目了然。毋容相混。

一、先生曾仕魯監國朝。故於魯臣本末。極爲詳明。宏光隆武兩朝傳咸不及也。永歷紀止於丁酉。傳亦僅何李二篇。大約作書時。事止此耳。若燕京殉節諸公。傳至夥矣。然類皆寥寥數言。生平行事。不少概見。文亦多似絕不經意者。意討論修飾。尙猶有待。蓋先生未成之書也。惜哉。

一、原本爲扶風氏家藏。扶風故好古。多蓄異書。是書以先生原筆。尤珍重也。好友弗示焉。辛丑春。慨付錄出。存敝廬者數月。雖鄙性硜硜。又稍負潔疾。可絕諸慮。而扶風之不吝借抄。厚意

未可忘也。并筆之以志感。

國壽錄卷之一目錄

孫承宗

賀逢聖

范景文

盧象昇弟象觀 象晉 葛麟

李邦華

孟兆祥子章明

李夢辰弟

申佳胤吳甘來 陳純德 陳良謨 金鉉

鹿繼善

張羅彥

陸夢龍

周鳳翔

馬世奇

劉理順

胡守恒

馬如蛟

王章

金毓峒

許直

成德翼

成德

劉永錫

黃 炯劉從義

關永傑

陳士章

王象復弟象春 子與夔與慧 從子等附

邵宗元

蕭 漢

徐一源

閻爾梅

姚士昇

陸士鉉

郭

許 琰

王國昌

鞏永固劉文炳

周遇吉

金 冠子士麒

馬 岱

廖應登

賀秉鉞

朱

王之俊

方正化

熊夫人宋氏

宮人魏氏費氏

尹熙華妻

易爲昇妻汪氏婢陳氏

吳信妻王氏

羅田女子王氏

城外女子張氏

潘鵬妻徐氏妻楊氏

李氏姑娘

以上崇禎朝

國壽錄卷之一

大學士孫承宗傳

孫承宗字愷陽。北直保定府高陽縣人。甲辰科榜眼。仕至殿大學士。三奉命守山海關。時無失事。尋致仕。己卯。□兵復入。高陽城陷。羣執承宗坐其堂上。脅使從去。承宗不應。既曰。只有一死耳。母多言。其將不敢上劍。承宗曰。若退。我有死法。遂取□兵弓弦自縊死。後二十餘日。親朋始敢入。則承宗尸顏色如生。時同死其子孝廉某。官生某某。孫中書某。官生某某。共一家從難十四人。

附便記中一則

承宗廣寧失後。出復河西數百里。忤璫閒住。己巳之變。特簡無功。罷去。戊寅。□逼高陽。倡義捐貲。率子弟家丁禦敵。城小。□益至。遂破。露刃勒降。承宗端坐不動。罵敵見害。闔門同死三十一

人。初卹復原官。予祭葬。壬午。贈太傅。蔭一子中書舍人。

大學士賀逢聖傳

賀逢聖。字克繇。湖廣人。罷相家居省。下。初。左良玉鎮襄陽。逢聖嘗與通。壬午。李賊至新野。良玉欲發兵守樊城。時張獻忠部有畔。歸良玉者不聽。使良玉令必行。乃復畔。譁自鼓而下。良玉乃與俱。漢口兵乏食。逢聖遺之以糧。譁止。及自成既陷襄陽。良玉但守安慶。而獻忠乘間計陷廬州。癸未。渡河南。陷武昌。諸郡逢聖自經死。

大學士范景文傳

范景文。字夢章。號質公。北直吳橋人。登癸丑進士。積資俸。以工部尚書入。爲大學士。甲申三月初旬。賊報急。上日召對諸廷臣。相向無策。其賢者退而涕泣。其爲賄賂情面者如故也。首輔陳演發南遷之議。上色厲曰。吾聞國君死社稷。義也。遂無從。更此議者。東案從更二字有誤。疑當爲從與。卽懲惡也。同官蔣德璟與演並疏請田里。詔許之。德璟夜疾出都。演留不發。十九日。賊入城。景文自念大臣必爲所求。誓不失節。急投井而死。後演與魏藻德。方岳貢。邱瑜。俱被刑辱。拷掠無算。責賊。唯蔣以先出都幸免。賊知景文已死。乃概大書忠臣二字於殉節之門。

兵部尙書盧象昇傳弟象觀象晉 孝廉葛麟附

盧象昇字九台號建斗南直宜興人祖立志以乙榜河南太康令知名象昇以萬曆辛酉鄉薦明年成進士授戶部主事以本部郎出知大名府陞山東副使歷鄖陽巡撫移撫湖廣陞兵部侍郎賜劍總督五省兵馬禦寇頗有斬獲丙子總督宣大憂去尋以建兵入寇加太子少保兵部尙書復賜劍總督各路援兵勦禦無功降侍郎十二月身督戰於河間之賈莊陣沒楊廷麟爲之請卹方部議而國變且止宏光中贈少保諡忠烈象昇爲人短小性利易弱不勝衣於朋友之義雖風雨必赴爲大名時始習騎射頗精便以底定爲己任賈莊之役身先士卒嘗於馬上殺賊自有督師稱敢氣推象昇矣弟象觀字幼哲崇禎壬午解元癸未成進士宏光中奉詔徵甯南都敗從通城王盛激起義於湖州八月二十七日戰死北門少弟象晉諸生念兩兄苦爲國死乙酉後不就試率閉戶著書至庚寅尙髮完偶爲仇者所持許逮□撫土土重傷其家率忠主竭命頗欲生之故曰知晉不敢抗□當是雍後復生晉大言曰此髮故自明出土卒義之出強雍入見爲己其爭時與象觀同難爲壬午孝廉葛麟麟字蒼公南直丹陽人負力能徒步數千里祁忠敏彪佳嘗聘爲監紀推官從義湖州不終

都察院李邦華傳

李邦華字懋明。江西吉水人。貧客游浙館穀。撫湖墅徐氏。有少年以氣悍爲鄉黨所憎伏。惡邦華。去棲靈壽寺廡。破衣僧見其狀。憐而進食。又爲之具行李。後邦華改今名。登甲辰進士。歷仕爲浙江巡按。於是按求破衣僧。僧畏。報曰已死。欲得其墓所祭之。乃以實告。蓋別去九年。又非初名。不相悟。故所德。邦華於是下少年吏。而必令破衣解之。報破衣也。慕文山之爲人。手捧讀其詩文不釋。嘗以畫像自隨。雖寒暑風雨。舟車千里行。不令一日不見。甲申三月十九日。聞順成齊化二門竟自開。迎李賊。歎曰。此吾從文山先生之時矣。因具冠帶。向先生畫像行四拜禮。口占云。人生自古誰無死。留取丹心照汗青。因自縊死。家人迺以文山先生畫像并殮之。曰公酷好弗奪其素志。

刑部侍郎孟兆祥與子進士章明合傳

孟兆祥字允吉。號肖形。山西澤州人。登壬戌進士。歷官至刑部侍郎。子章明。癸未進士。方候選。兆祥性剴直。與其子言。無不以古人曰。勿謂史記所載忠孝等事。後人便不可爲。子受教唯唯。甲申三月十九日辰刻。賊自成竟陷都城。諸大小文武官俱匿民居。買丐者服。一嘗五六金。僞天佑殿大學士牛金星出僞示。先朝文武俱於二十一日蚤詣東華門。自陳職名。願效力者。量材力任。

用。否者聽。違者族。諸文武。迺色喜。或以倖得官。或以可自便。脫去。先是縉紳欲潛匿。輒毀其冠。時猝不可得。或從梨園裝中乞之一冠。嘗三四金。兆祥謂其子曰。初以上在待之。今上已死。高皇帝吾與若。豈復能從紛紛諸公。賊前高唱打恭哉。於是相與朝服北而拜。起投纆。並引絕。

餘

星

伯

興



詩牌

略例

一、俗有詩牌之戲。取詩韻中普通之字若干。製為紙牌。分座序次拈取。略如鬪牌。以先成詩者為勝。茲仿其意。節取詩詞中所常用者二百餘字。散錄於後。閱者可就所錄之字。綴成詩詞。寄投本社編輯部。

一、作五七言古體者。一首即為合格。律詩以二首。絕句以四首為合格。作詞者長調視古體。

令視律詩。小令單調如「如夢令」「單調憶江南」等是視絕句。

一、用字既以二百餘字為限。如有溢出範圍之外者。雖屬佳卷。亦從割愛。

一、錄取前十卷。由本社酌酬。酬贈之物隨卷揭曉惟一人作數卷者。只酬其一。

一、收稿於陽歷五月底截止。

日 月 風 雲 雨 露 春 秋 晨 夕 朝 夜 宵 陰 陽 花 草 樹
 葉 果 梅 杏 桃 李 鶯 燕 鷗 蝶 鶴 楓 林 松 孤 雙 三 百

千萬一江山。溪湖嶺峯開。落齊梁。深淺紅綠翠。
白黑朱黃紫。生熟茶酒詩。尋吟樓閣亭臺院。簾
遠近輕重隸。喧天地。晚暮大小不可爲。而新舊
竹柏眼目眉口手足。聞見聽存無極。何悲喜悵
恨樂今古。分合歲壁關。美惡人物。青素吳越歸
去我君爾。余身髮。醉坐車馬。珠玉碧。國家亂中
半粉脂。劍剪刀弓。簫笛笙鼓。琴瑟吹彈。離別飛
舞。嚙衣袖。鏤繡門戶。隱滿東南西北。絲細寒暖
客游笑淚。心頭更殘。魚鳥彼此。是非王謝。楊柳
蓬轉事時。恩怨愁斜。直音情色。船樓啼約。略削
翻將流游。休立睡燭。香如若似。已堪鄉涼。州塵
道痕。故張圓方。消息俱各。多歌舟實。

其一字兩解者。可隨宜用之。如重爲輕重。又爲重疊。更爲更鼓。又爲甚辭之類。皆是。

第六期校勘記

目錄第一頁第十二行小注唯識教義誤作成唯識論

御史制度論第二頁第七行闕茸誤葺 又第四頁第六行雖時或時誤是 又第八頁第六行言論龐露誤龐器 又第九頁第五行有贓誤有臟

詞言通釋第九頁第十行釋詞曰詞誤祠

歌戈魚虞模古讀考質疑第二頁第四行必讀 a 爲 a 下 a 字當作 a 又第五行本可讀爲 a 也亦當作 a 又第十行弁則爲 a 誤作 a 侈則爲 a 誤作 y 又第三頁第二行 yama 誤脫首綴 y 字

傷寒論題辭第一頁第五行輸林學士誤作輸林 又第二頁第十行今作鞭即俗字者鞭誤鞭

養蠶學第一頁題下應有汪楊寶三字 又第五行不知誤作不如 又第六頁第三行二五之

二誤作一 又第九行濕桑飼育二字誤倒 又第十行故養蠶者誤作養桑 又第十二行即移

蠶兒移誤作以 又第七頁第四行染病者多誤作少

文錄第三頁第四行屋宇。誤作字。又第四頁第六行全紹衣謂先生謂。誤作請。又第五頁第九行儉情之習情。誤情。又第六頁第二行生當明季。誤倒作當生。又第四行嗚呼。誤嗚呼。又第九行題。應頂格。誤低二字。

詩錄第二頁第二行小注浙山。誤浙江。又第八行琉璃界琉。誤玻。又第四頁第十行匿蓬蒿。誤作慙。又第六頁第七行題北征詠征。誤往。又第十一行西冷。誤四冷。又第七頁第四行梧零。誤作雲。

大周國寶題詞第一頁第二行所藏。誤作所廣。大周誤夫周。又第五頁第三行第一字主。誤王。又第八行小注此。又誤倒作。又此。

臨春閣第一頁第九行這話倡揚出去話。誤語。又第二頁第十二行迴繞。誤迴繞。又第五頁第十一行神通廣大。誤作太。

燕葉紀程第二頁第十一行安定縣宿下注六十里。誤十六。又第四頁第九行元興滅夏滅。誤減。又第五頁第十一行明立五衛明。誤朋。又第六頁第三行建康古治古。誤右。又第七頁第一行小注文獻通考。誤脫考字。又第八頁第十行允姓之戎允。誤久。

驢背集第三頁第十一行遣。都司某誤作遺。又第五頁第三行降爲。誤僞。又第八行而問者誤面。又第七頁第二行辟靡。誤作癰。又第三行收。藏誤攷。藏。又第八頁第十三行中書玉彬脫。彬字。

通訊輯錄第三頁第三行而講求之而誤爲。

